

✿ IOANNES ✿



PONETHOWSKY



9687


TEOLOGIA


II


safes


*Id
65*


Ther
1687











DE STATV ANIMARVM
IN ALTERO SÆCVLO:

Theologica Disputatio;

IN QVA COPIOSE

DISSERITVR DE MORTE:

DE EXEQVIIS: DE LOCIS, IN QVIBVS

ANIMÆ CORPORIBVS EXVTÆ RECI-

piuntur, præsertim de Purgatorio: De Facultatibus & Ope-

rationibus, quas ibi animæ exercent.: De Subsidiis, quibus

à viuentibus subleuantur: De Cultu & Inuocatione anima-

rum, quæ sunt in cælo: ac demum de aliarum statu & con-

ditione, quæ vel cruciantur in Inferno, vel

aliis in locis detinentur:.

IN INCLYTA ET CATHOLICA ACA-

DEMIA INGOLSTADIENSI ANNO

M. D. LXXVII. publicè habita:

P R Æ S I D E

R. P. LVCA PINELLO SOCIETATIS

IESV SS. Theologiæ Doctore & in eadem

Academia Professore ordinario:.

R E S P O N D E N T E

DOCTISSIMO ANDREA RÖCK-

lero Artium liberalium ac Philoso-

phiæ Magistro.


INGOLSTADII, Ex Officina VVesf-

senhorniana. 15. 81.

OCTOSTICHON IO.
AN. ENGERDI IN ARMA IL-
LUSTRISS. DUCVM BA-
VARIE, &c.

*Arma Ducum Boie Caroli de sanguine Magni
Asspice natorum: sacram sacer ille tiaras*

*Sponte gerunt curam fulvi de more Leones,
Religionis bonos quibus aurea veller a cordi.*



*Edocet esse domum: rhombis deducitur olim
Luna: sed ambrosie victu celestis, et albis*

*Religionis aliis dapibus stirps alta meretur:
Religionis enim, per aperta pericula Martis;*



PREFATIO.

ILLVSTRISSIMO
ATQVE SERENISSIMO
PRINCIPI AC DOMINO, DOMINO GVLF-
ELMO, COMITI PALATINO RHENI, ET VTRI-
usque Bauariae Duci, Principi Catholico &c.
Domino suo clementissimo.



NIHIL EST IN TOTA HAC RERVM
vniuersitate, Princeps Illustrissime, quod
auidius homines nosse desiderent, quàm
animæ à corpore emigrantis conditionem
ac statum: Sed neque quicquam est homine
dignius. Etenim cum inter omnes animantes vni homini
à DEO datum sit, vt viuat post mortem; ignaui planè fue-
rit & inertis, non laborare, vt sciat, quemadmodum victu-
rus sit alibi; cum hie viuere desierit; contrà, liberalis & in-
genui, dare operam, vt intelligat, quis qualisque futurus sit
post mortem; vbi, quibus cum, quomodo vitam traductu-
rus. Quare sicut de Historiæ ignaro aliquando dixit ille: Ne-
scire, quid, antequàm natus sis, acciderit, id est semper esse
puerum: Ita nos de nobilissimæ huius scientiæ experto dice-
re possumus: Nescire, quid de te futurũ sit, postquàm vita
excesseris, est nunquam hominẽ esse. Iam verò utilitas tan-
ta est, quanta potest esse maxima, præsertim his turbulen-
tissimis temporib, quibus cœlum, infernus, beatarum
mentium inuocatio & cultus, expiandarum subsidia, ac tã-
tũ non ipsa etiam animæ immortalitas, à nescio quibus

P R E F A T I O.

malè feriatis hominibus, in dubium reuocatur; vt aduersus præsens venenum, hoc præsentì semper opus sit antidoto. *Ecclesiasticus. cap. 7.* Taceo. eam vtilitatem, de qua Sapiens: Memorare, inquit, nouissima tua, & in æternum non peccabis. His igitur aliisque similibus de causis, cum ea, quæ de Statu animæ separata à corpore, in celeberrima hac INGOLSTADIENSIVM ACADEMIA, ex publicis Theologorum prælectionibus acceperam, publicè disputanda proponere instituissem; cogitarè autem, cui potissimum hos primos quasi Theologici mei studij fructus consecrarem; T. C. id cum primis me debere animaduerti, à cuius singulari fauore & Principe digna clementia est profectum, si quid est in me eruditionis ac scientiæ. Quod, tamen si sentio, quàm sit exiguum; insignis tamen & propè incredibilis semper fuit illa C. T. liberalitas, à qua, vt dicebam, hoc quicquid est vel sacra vel prophana literatura dimanauit. Accipe ergo, Princeps Illustrissime, deditissimi clientis exiguum munus; si non C. T. dignum, certè debitum munificentia: Cui me, vt hætenus, ita deinceps commendatum esse percipio. DEVM OPT. MAX. precor, vt C. T. quàm diutissimè tueatur incolumem. INGOLSTADII, Mensè Maio, Anno Domini M. D. Lxxvii.

C. T.

Deditissimus cliens

Andreas Röcklerus.



CAPVT PRIMVM,

DE SEPARATIO-
NE ANIMÆ à CORPORE,
ET CHRISTIANARVM EXE-
QVIARVM RITIBVS.

CONCEVSIO PRIMA.

QUVM DISPVTA RE DE FVTVRA VI-
ta instituiamus, à morte, quæ ad eam ipsam veluti via
quedam est & aditus, eaque de causa hîc à nobis inter
nouissima numeratur, initium capere haudquaquam
alienum putamus. Mortem igitur originalis peccati pœnâ à DEO Genes. cap. 2.
A. I. Rom. cap. 5.
G. & S.
constitutam esse, non obscure quidem literæ Diuinæ docent: Sed eius
tamen res varias causas auctores afferre solent: Nonnulli, quòd
hæc sit omnium pœnarum non solum grauissima, vt Ecclesiasticus Eccles. cap. 41.
testatur: O mors, quam amara est memoria tua! Sed etiam quòd
ex hac omnes propè aliæ calamitates humanæ, tanquam ex radice,
pullulent. Alij, quòd mortis metu, velut freno, homines in officio
contineantur. Vnde est illud Sapientis: Memorare nouissima tua,
& in æternum non peccabis. Eccles. cap. 7.

II. NOBIS præ reliquis hæc maximè causa probatur, quòd Habac. cap. 3.
Psalm. 76.
in ira sua misericordiæ non obliuiscitur DEVS, & dum iustas sce-
lerum pœnas repetit, suis etiam apud ipsum clementiæ locus est.
Itaque peccato, quod natura sua hominem à DEO, vnde salus eius
pendebat, separat & auertit, eam potissimū pœnam statuit, quæ esset
eidem stimulus ad DEVM salutis suæ auctorem reuertendi: Ea mors
fuit; si quidem, vt experientia teste discimus, cum demum vel maxi-

2 DISPUTATIO. DE STATU

mè quisq; de salute sua cogitat, & cum DEO coniungi cupit, eimacis mortis periculum imminet.

III. QVÆSTIO fuit olim, quæ Ethnicos Philosophos hæud mediocriter torset, Eccurram DEVS, qui sapienter omnia disponit, animam immortalem iunxerit corpori mortali? Cui non facis fit ab ijs, qui aliud non dicunt, quàm initio creationis sorpus fuisse immortale. Nam fateor quidem, corpus ADÆ fuisse à DEO immortalitate donatum, atq; adeò totum ADAM ante peccatum fuisse immortalem: Testantur enim id apertè Divina litera; ac definitum est in Synodo Milevitana. Ac interim dubium restat, quàm convenienter anima rationis particeps, natura sua immortalis, coniuncta sit corpori natura caduco & mortali: Nam donum illud divinitus ADÆ collatum & mortalis eius corporis conditionem non tollebat omnino; tantum efficiebat, ne, ut Schola loquuntur, potentia moriendi exiret in actum.

IV. ERGO dubitatio tollecatur, si dicamus, non potuisse aliter fieri. Anima enim, quæ, quod ad scientias attinet, est veluti tabula quædam rasa, eiusmodi omnino corpus requirebat, cuius auxilio scientiam & cognitionem posset adipisci. Adipiscendi autem hæc una ordinaria & communis via est, ut sensuum adminiculo species, & quasi quædam rerum imagines conquirantur. Sensibus igitur in hunc finem præditum esse oportebat corpus humanum. Rursus sensus nequeunt esse absq; tactu; tactus verò organum ex contrariis necessario constat: Omne autem ex contrariis compactum, caducum sit necesse est. Ex quo fit manifestum, mortalitatem corporis nec à DEO fuisse intentam (Scriptum est enim, DEVM non fecisse mortem, nec delectari in perditione viuorum) nec inclinationi animæ, quæ immortalis est, consonam; sed potius conditionem esse necessitatem materia consequentem.

V. CVM ergo ADAM per peccatum dicitur incurrisse penam mortis, non ita intelligendum est, quasi natura ipsius corporis sum primum facta sit mortalis, quippe ex se semper fuit eiusmodi

In Epist. ad Rom.
cap. 6. & 6.
Cano. 1.
August. lib. 13. de
Civitate Dei, cap.
20.

D. Thomas 1. 2.
Quest. 85. Art.
cul. 6.
In Quest. disp. de
pecc. pecc. origin.
Quest. 5. Art. 5.

Sup. cap. 1.

sed

sed quia per peccatum perdidit privilegium immortalitatis, quod, quatenus impediēbat, ne naturalis illa corruptionis facultas, seu defectus potius exiret in actum, eatenus reddebat *ADAM* incorruptum. Hoc ergo destitutus privilegio, relictus est natura sua mortali; atque hinc dicitur incurrisse pœnam mortis.

VI. CÆTERVM quia privilegium immortalitatis non *ADÆ* solum, sed uniūerso hominum generi collatum erat; ideo, peccante *ADAM*, tota natura illo dono spoliata est remansitq; in ea naturalis ille defectus mortalitatis. Quare non est, quod quisquam miretur, **CHRISTVM** & sanctissimam eius genitricem, qui peccato originali nequaquam obstricti fuerunt, morti tamen obnoxios extitisse. Fuit enim utriusque mors non tam pœna peccati, quàm defectus naturæ, quæ, ut sæpe iam dictum est, etiam antequàm vel immortalitate donatus esset *ADAM*, vel eadē rursus priuatus, mortalis erat, & corruptioni obnoxia. Exemplo res clarior fiet: Apostolorū quisque natura sua mendax erat, & peccare poterat, confirmatus in gratia iam non poterat; non quia supernaturali illo dono naturalis peccandi conditio sublata sit (manserunt enim Apostoli natura, ut antè, peccato obnoxij) gratia tantum effecti superiores, quatenus scilicet diuinum illud munus ita eorum animos confirmabat, ne unquam in lethale peccatum prolaberentur. Quod si, quemadmodum *ADÆ* donum immortalitatis, ita vni eorum hoc donum collatum fuisset, cum aliqua conditione; mox eo munimine gratia priuatus relinqueretur imbecillitati suæ naturæ, nec posset fieri, quin laberetur aliquando in peccatum. Pari modo dicendum est de **CHRISTI** atq; **DEIPARÆ** naturæ, immortalitatis munere destituta.

VII. NON quia statutum est hominibus semel mori, aut quia mors malum quoddam est & pœna, non est meritoria; sed potius contrà, ut improbis molestiam, ita iustis affert consolationem & meritum. Nam quemadmodum (ut colligitur ex *D. Augustino*) iniusti male vtuntur non tantum malis, verum etiam bonis; ita iusti bene vtuntur non tantum bonis, sed etiam malis: Quare mors iustis, qui ea bene vtuntur, meritoria est.

VIII.

*Psalm. 115.
Ad Rom. cap. 7.
1.º I.º cap. 1.*

Ad Hebr. cap. 9.

*De Civit. Dei
cap. 6.*

Ezech. cap. 18. 33
Apocal. cap. 3.
Leo. 1. Epist. 90.
ad Rust. Episcop.
Luc. cap. 23.
Lib. 50. homil.
hom. 41. & refert.
de poenit. dist. 7.
cap. Si quis.

VIII. IN morte posse esse veram poenitentiam, fateor; hoc enim Latronis illius exemplum docet, qui iam iam moriturus etiam Paradisum (si dicere licet) furatus est. Sed num anima secunda decedat cum poenitentia ad mortem usque dilata, placet nobis D. Augustini sententia: Si quis (inquit) positus in ultima necessitate sua aegritudinis poenitentiam accipit & hinc vadit, fateor vobis, non negamus illi quod petit, sed non praesumimus quod bene hinc exit. Si securus hinc exierit, ego nescio; poenitentiam dare possumus, securitatem dare non possumus. Nunquid dico damnabitur? Sed nec dico liberabitur. Vis ergo à dubio liberari, age poenitentiam, dum sanus es. Si sic agis, dico tibi quod securus es; quia poenitentiam egisti eo tempore, quo peccare potuisti. Si autem vis agere poenitentiam, quando iam peccare non potes, peccata te dimiserunt, non tu illa. Hac ille. In eandem quoque sententiam non minus pulchre scribit D. Cyprianus Hugo etiam de Sanct. Vi. Valde suspecta (inquit) debet esse poenitentia, quae sera venit, & coacta esse videtur. Facile est, ut homo se nolle putet, quod posse non datur. Possibilitas optime voluntatem probat; si non facis, dum potes, manifeste ostendis, quod non vis.

a Lib. 4. Epist. 2.
ad Annonianum,
& refertur ibidem
can. Idcirco.
b Lib. 2. de Sacr.
par. 14. cap. 5.

ad Theof. cap. 4.

Serm. 4. de Mor.
talit. & refert. 13.
quest. 2. caput.
Quam praepost.

In Epist. 2. ad
Annonianum.

De cur. pro Mor.
gerend. cap. 2.
13. quest. 2. cap.
Annot.

IX. UT lamentatio, ululatus & luctus immodicus ex amicorum obitu suscepta, Christianum non decent; ita haec eadem, si moderata sint, iure laudantur: Neque Apostolus haec prohibet; id tantum mouet, ne contristemur sicut & ceteri, qui spem non habent. Ita etiam intelligendum est illud D. Cypriani, cum ait: Quam praeposterum est, quamque peruersum, ut cum DEI voluntatem fieri postulemus, quando euocat nos DEVS & accersit de hoc mundo, non statim voluntatis eius imperio pareamus; obnitimur & reluctamur potius &c. Et illud Anastasij Pontificis: Nos, inquit, qui alteram vitam credimus & docemus, tristari nimium de obeuntibus non debemus, ne quod apud alios pietatis tenet speciem, hoc magis nobis culpa sit.

X. QUID verò de pompa funebri sentiendum sit, docet optime, ut alia, D. Augustinus. Curatio funeris, (inquit) conditio sepulturae, pompa

pompa exequiarū, magis viuorum solatia sunt, quā subsidia mortuorum. Si aliquid prodest impio sepultura pretiosa, oberit pio vilis aut nulla? Præclaras exequias in conspectu hominum purpurato illi diuiti turba exhibuit famulorum; sed multo clariores in conspectu DOMINI vlceroso illi pauperi ministerium præbuit Angelorum, qui eum non extulerunt in marmoreum tumulum, sed in Abrahæ sinum sustulerunt.

Extr. de sepul.
cap. Sacris.

Luc. cap. 16.

XI. PIVM & sanctum est, & ab initio nascentis Ecclesiæ obseruatum, ut precibus, eleemosynis, alijsq; bonis operibus, Sacerdotibus Psalmos & alias orationes concinentibus, fidelium funera ad sepulturam deducantur: Hanc laudabilem consuetudinem sanctissimi & antiquissimi Patres re & scriptis nobis tradiderunt. D. Dionysius Apostolorum discipulus sic scribit: Conuocato sacro choro, diuinus Antistes (suis, qui excescit è vita; erat ordinis Sacerdotum) ubi ante sacrum Altare eum posuit, DEVM precari incipit, &c. D. Chrysostomus. Dic mihi, quid sibi volunt lampades istæ festinae? nonne sicut Athletas eos producimus? Quid etiam hymni? nonne ut DEVM glorificemus? ^a D. Gregor. Nis. Cum igitur (inquit) nocturna peruigilatio canendis Psalmis perfecta esset, &c. ^b D. Hieron. Translata est Paula (inquit) Episcoporum manibus, & ceruicem feretro subijcientibus, cum alij Pontifices lampades, alij choros psallentium ducerent, in media Ecclesia est posita. Huius Christianæ consuetudinis meminerunt alij sancti Patres, quorum verba, ne propositæ disputationis modum excedant, lubens prætereo.

De Eccles. Hier.
cap. 7.

Hom. 4. in Epistol. ad Hebr.

^a In Epistol. ad Olymp. de obitu suæ sororis.
^b In Epistol. Paulæ Rom.

Abdias Babyloniorum Episcopus in lib. 5. Hist. Apost. Athan. lib. de var. quæ. q. 34. Euseb. Emis. homil. 3. de Epiphani. Epiph. Episc. in orat. de vera Eccles.

XII. CHRISTIANORVM ritus humandorum corporum, pius est & laudabilis, ac consentaneus rationi: Decet enim, ut terrestria nostra corpora cōuertantur in terram. Contra, priscorum Romanorum ritum, concremandi scilicet corpora, nec laudabilem, nec absque horrore esse potuisse, credendum est: Quanquam ad animæ gloriam vel miseriam qualitas sepulturæ minimè ex se conferat, ut prudenter nos monet D. Chrysostomus: Vbicunque (inquit)

In Epistol. ad Heb. & refert. 13. qu. 2. cap. Vbicunque

DISPVATIO, DE STATV

sepeliamur, DOMINI est terra & plerumque eius. Porro plurimum refert, vtrum quis in loco sacro sepeliatur necne; tum propter suffragia, quæ eo in loco sepultis exhibentur; tum quia amici & affines orandi causa templum illud ingressuri, aliquid semper suis defunctis spiritualis eleemosynæ impendunt. Quæ in re errarunt *VValdenses*, qui, teste *Aenea Sylvio*, parum referre dixerunt, quæcunque terra corpora humana sepeliantur, siue sacra sit, siue profana.

In lib. de origin.
Boëtiarum cap. 35.



CAPVT SECVNDVM, DE LOCIS SEV RECEPTACV- LIS, IN QVIBVS ANIMÆ CORPO- RIBVS EXVTE RECI- PIVNTVR

CONCLVSIO XIII.

In cap. 7.

IN RE optimo præsens hæc vita militia quædam dicta est à diuino illo lob: Siquidem (vt innumera alia prætermittā, & hoc vnum, quod ad rem maxime facit, prosequar) quemadmodum in acie militibus, ita in huius vite cursu vniuersis nobis magna quædā vel vincendi vel succumbi, merendi vel demerendi materia offertur. Rursum quemadmodum in bello, cum iam receptui cantatum est, victores de hostibus lati triumphant; alij de lucro & præda gaudent; plurimi accepta vulnera non absq; dolore curant: Ita cum ex hac vita excessum est, sedes quasdam & quasi domicilia esse oportet, in quorum alijs, beatorum animæ, reportata ab hostibus victoria, perpetuò gaudeant ac triumphent; in alijs, victricium quidem, sed vulneratarum tamen animarum plagæ curentur; in alijs, victi non absq; dedecore & luctu degant; in alijs deniq; infantes & paruuli, qui ante pugnam occubuerunt, sicut sine lachrymis, ita absque præmio quoque vitam degant.

XIV.

XIV. QVATVOR proinde in vniversum sunt loca, ad quæ animæ corporibus solutæ deferuntur: Cælum Empyreum, beatarum animarum beata mansio, in qua DEI conspectu & præsentia perfruuntur: Infernus, damnatarum carcer, vbi, quæ cum sceleribus ex hac vita exceßerunt, in perpetuum cruciantur: Limbus puerorum dictus, iis deputatus, qui antequàm peccati originalis maculas sacro fonte eluerent, diem suum obierunt: Postremus est Purgatorium, in quo illi degunt, qui vel veniali aliqua labe infecti vitam claudunt; vel, antequàm DEO pro peccatorum pœna plenè, ut debebant, satisfaciant, vita emigrant. Cùm tamen, ante CHRISTI ascensum in cælum, alter erat limbus, in quo sancti Patres ab omni contracta macula purgati, ac debito pœna soluto, felix illud tempus expectarent, quo redemptionis pretium DEO soluendum erat, & cælum tot annorum millibus peccato clausum, denuò reſerandum.

In lib. 4. Dialogi

XV. NON negamus interim, quin aliis quoque in locis nonnumquam vel torqueantur animæ vel expurgentur: quãdoquidem multas animas in hoc nostro aëre puniri asserit Gregorius Magnus. Verùm non inde tamen rectè inferes, plura esse, quàm numerata receptacula: Nos enim de iis duntaxat loquimur, quæ à DEO fixa & stabilia posita sunt; quòd si alibi animæ patiantur, illud vel per modum transiuntis (ut dicunt) vel ex dispensatione fieri non negamus.

XVI. SI contingeret aliquem ex hac vita decedere, originali tantùm & veniali aliquo peccato infectum, absque omni mortali; eius animam putant quidam perpetuas in inferno venialis illius delicti pœnas daturam. Sed falsò: Videtur enim repugnare iustitiæ, si eiusmodi peccato, cui natura sua temporalis tantùm pœna debebatur, statuatur æterna. Neque verò pro eiusmodi animabus, si quæ fortè essent, necesse est distinctum à cæteris assignari locum: Nam non est inconueniens dicere, pœnam illam vel in ipso limbo solutum iri, vel antequàm eò perueniant.

- XVII. NEQVE rursum, quia nemo est tam improbus, qui non simul multa bona operetur, idcirco quintus aliquis locus est inueniendus; ut quemadmodum electi, si quas DEO peccatorum pœnas adhuc debent, prius eas in Purgatorio soluunt, tum liberi in cœlum euolant; ita reprobi primum bonorum suorum operum qualecunque præmium alicubi recipiant, tum ad inferos detrudantur. Nihil inquam hoc est necesse. Primum enim potest illos DEVS plenè remunerari in hac vita. Deinde esto nihil hîc percipiant præmij; attamen neq. poss. hanc vitam eis quicquam debetur: Eo ipso enim quod in scelere moriuntur, omni iure carent laborum suorum præmia recipiendi; iuxta illud Iacobi Apostoli: Qui totam legem seruauerit, offendat autem in vno, factus est omnium reus. Quem locum, ut hoc obiter dicamus, non intelligimus, quasi qui vnum præceptum violet, perinde puniatur, ac si omnia violasset, aut quasi peccata iam antea condonata redeant, cum quis iteratò in scelus prolabitur: Sunt enim dona DEI sine pœnitentia, ut inquit D. Paulus.
- XVIII. SED hoc modo intelligimus; quod is, qui omnia seruauit, & multa bona præstitit, offendit autem postea in vno, fiat reus omnium, hoc est, dignus qui laborum suorum omnium præmium amittat, quos in seruanda lege exantlauit. Quemadmodum reum capitis dicere solemus cum, qui dignus est, ut caput perdat. Atque huic expositioni consonat illud Ezechielis: In quacunque die iustus fecerit iniquitatem, omnes iustitiæ eius obliuioni tradentur. Et alibi: Omnes iustitiæ eius, quas fecerat, non recordabuntur: In præuacatione, quia præuacatus est, & in peccato suo, quod peccauit, in ipsis morietur. De singulis receptaculis pauca subiungamus.
- XIX. IN cœlis sedem esse beatarum animarum sacra scriptura apertè testatur. Si terrestris domus nostra (inquit Apostolus) huius habitationis dissoluatur, ædificationem ex DEO habemus, domum, non manufactam, æternam in cœlis. Et CHRISTVS ascensurus in cœlum dixit: Vado parare vobis locum. Sed an cœlum Empyreum sit hæc sedes, quam dicimus, necne, fateor non ita, clarè haberi in sacris
- In sua Cap. cap. 2.
- Ad Rom. cap. 11.
- In cap. 33.
- Apud Ezech. c. 18.
2. Cor. cap. 5.
- Ioan. cap. 14.

cris literis: Sanctorum tamen Patrum plerique asseruerunt esse, ^{a In Epist. 4. ad}
 ut ² Clemens Rom. ^b Clem. Alexan. ^c D. Basil. ^d Isidorus, ^e Da-
 mascenus, ^f Philo Iudeus.

XX. COELVM hoc, quod à splendore tum innato, tum ab eo,
 qui in ipsum à beatis redundat, meritò à D. Basilio dictum est Em-
 pyreum, thronus est sanctissimæ TRINITATIS, ac beatarum
 mentium accommodata mansio; ignotum quidem priscis Astrologis
 ac Philosophis, Theologis tamen satis clarum & perspectum. Nec mi-
 rum, si illorum sensus latuerit; quippe quod nec motu aliquo cietur,
 sed manet penitus immobile; nec stella aliqua corporea fulget, sed
 beatis illis spiritibus non secus atque stellis aliquibus pulcherrimè
 exornatur; ut proinde meritò de illo dictum sit: Civitas non eget So-
 le neque Luna, ut luceant in ea; nam claritas DEI illuminabit eam, ^{Apocal. cap. 21.}
 & lucerna eius est Agnus.

XXI. HOC cælum dignitate, situ ac nobilitate præstat cæte-
 ris, supremum omnium, & omnis corruptionis expers. Nec temerè
 dictum est à nonnullis intellectuale, non solum quia intellectu &
 ratiocinatione indagatum est; sed etiam quia domicilium est in-
 tellectualium entium. Quod si fortè in hac inferiora non influit,
 non ideo tamen existimari debet otiosum; est enim nobilioris ac præ-
 stantioris finis gratia institutum.

XXII. INFERNVS damnatorum perpetuus carcer, locus est
 tenebrosus, desperationis ac omnis miserie plenus, cælo Empyreo
 omnino contrarius. Et licet dubitent nonnulli, ubi nam locorum sit
 infernus; nobis tamen satis apertè ex Scriptura posse colligi vide-
 tur, esse intra viscera terræ. Infernus subtus (inquit Isaias) contur-
 batus est in occursum aduentus tui. Et Ecclesiasticus prædicens
 descensum CHRISTI ad inferos, dixit: Penetrabo omnes infe-
 riores partes terræ, & inspiciam omnes dormientes, & illuminabo
 omnes sperantes in DOMINO. Denique explicans Scriptura, quo-
 modo Dathan & Abiron descenderint in infernum, ait: Dirupta
 est terra sub pedibus eorum, & aperiens os suum deuorauit illos cum

In cap. 14.
 Eccles. cap. 24.

Num. cap. 16.

tabernaculis suis, & vniuersa substantia eorum; descenderuntq; vi-
ci in infernum operti humo, perierunt de medio multitudinis.

XXIII. LIMBUS Patrum (qui sinus Abrahæ à CHRISTO
non immerito dictus est, vtille, qui in terris exemplar fuit & Pa-
ter credentium, in altero etiam seculo fideles filios in suum quasi fi-
num suscipere ac fouere significaretur) locus erat apud inferos, iis
tantum assignatus, qui iam ab omni peccati labe immunes, vel hîc,
vel in altera certè via peccatorum penas exoluerant; siue illi He-
braei essent & diuina legis obseruatores; siue aliunde orti, naturæ
tamen ductum & instinctum secuti. Et quoniam his, qui illic deti-
nebatur, vnus CHRISTI tantum aduentus expectabatur, quo DEI
præsencia fruerentur; ideo certum est hunc limbum iam non extare
amplius; Patribus à CHRISTO eductis, & magno cum triumpho
secum euectis in cælum.

XXIV. EST autem horum receptaculorum hic situs & dispo-
sitiō, quantum coniecturis & Sanctorum dictis assequi possumus.
In visceribus terra vastus quidam circa centrum extat hiatus, in
cuius ima parte reproborum animæ tartareis flammis exerceantur:
In superiori fuit sinus Abrahæ; id, quod CHRISTVS non
obscure significauit, de illo purpurato diuite loquens, qui cum esset
in tormentis eleuans oculos suos, vidit Abraham à longè, & Lazá-
rum in sinu eius: Sic enim (inquit August.) non absurdè credi vi-
detur, antiquos etiam Sanctos, qui venturi CHRISTI tenuerunt
fidem, locis quidem à tormentis impiorum remotissimis, sed apud
inferos fuisse, donec eos inde sanguis CHRISTI descensus erueret.
Adduc clarior D. Gregorius: Nec tamen, inquit, iustorum ani-
mas ad infernum descendisse dicimus, vt in locis pœnalibus tene-
rentur; sed esse inferiora inferni loca, esse alia superiora credenda
sunt, vt in superioribus iusti requiescerent, in inferioribus iniusti
cruciarentur.

XXV. RELIQUA duo loca sunt intermedia; & paruulorum
quidem limbus limbo Patrum proximus est: Purgatorium ve-
rò immi-

Luc. cap. 16.

Lib. 20. De Ciuit.
Dei, cap. 15.

Lib. 12. Moral.

ro imminet inferno, ut sic idem ignis & DEO inimicas animas tor-
 queat, & purget amicas: Nam (quod à D. Gregorio appositè dictum Lib. 4. Dialog.
 est, quamvis ad aliud institutum) sicut sub eodem igne aurum ruti-
 lat & palea fumat; ita sub eodem igne peccator crematur, & electus
 purgatur. Quamvis neque absurdum fuerit, si inter sinum Abrahæ
 & reproborum gehennam, ex una parte esse limbum parvulorum, ex
 altera Purgatorium asseramus. Denique hæc omnia loca, non muro
 vel aliquo alio termino, sed variis proprietatibus ac qualitatibus, DEI
 voluntate, à se inuicem sunt distincta.



CAPVT TERTIVM,
 DE EA ANIMARVM SEDE,
 QVAM PVRGATORIVM
 DICIMVS.

CONCLUSIO XXVI.

DE HOC animarum receptaculo iustas ob causas ago-
 mus aliquantò vberius. Et licet vix aliquid noui in hac
 materia asserri possit, quod non iam à pijs & doctis viris
 attactum sit; dabimus tamen operam, ut in his Theſibus, quanta
 possumus breuitate, clarè demonstremus, quàm infirma & nullius
 momenti ea sint, quibus hæretici Scripturarum loca ad asfruendum
 Purgatorium accommodata, vel eleuare, vel in peregrinos, & alie-
 nos sensus torquere se posse arbitrantur. Atque illud primùm sit po-
 situm, Purgatorij nomine nihil aliud à Catholicis intelligi, quàm
 locum aliquem in altero Seculo, in quo mortalium animæ corpo-
 reis vinculis absoluta tandiu detinentur, donec à contractis macu-
 lis expurgentur, & DEO debitam pro peccatis satisfactionem
 compleant.

XXVII. NVNC, vt ab eo incipiamus, vnde malum hoc ortum
 est, Lutherus in hac heresi (hereticorum more) inconstans planè
 & varius fuit: Is enim in Articulis à Leone Decimo Pontifice
 damnatis, admittit quidem Purgatorium, sed alibi negat posse
 ostendi ex sacris literis. Crediderim ingeniosum hominem sui obli-
 tum, cum aliis in locis doceat, nihil esse admittendum, quod non pos-
 sit ex sacris literis comprobati. Alibi: Tutius (inquit) est totum
 Purgatorium negare, quàm Gregorio in Dialogis credere. Quasi
 verò Gregorius Purgatorium excogitauerit. Rursus in resolu-
 tione Indulgentiarum, habet hæc verba: Certissimum apud me con-
 stat, Purgatorium esse, neque adeò me mouet, quicquid heretici bla-
 terent, cum iam ante mille & centum annos D. Augustinus in Lib.
 suarum confessionum pro parentibus suis oret, curet etiam pro iis-
 dem orari, ipsa quæ adeò mater eius iam iam moriens (ita enim scri-
 bit) voluerit sui memoriam fieri ad Altare DOMINI. Et vt
 maximè temporibus Apostolorum Purgatorium non fuisset, velu-
 ti molestus superbit Picardus; ideòne credendum statim hereti-
 co, quinquaginta vixdum annorum? Aut igitur pertinaciter con-
 tendendum, fidem hanc, quæ tot perdurauit annos, falsam esse & ir-
 ritam? Et in quadam disputatione Lipsia habita: Ego (inquit),
 qui credo fortiter, imò ausim dicere, scio Purgatorium esse, facile
 persuadeor in Scripturis de eo fieri mentionem. Denique paulò post
 in eadem Disputatione: Ego (inquit) cum beatissimis Patribus,
 Purgatorium esse confiteor, nec tamen est necesse dicere, qua via
 nouerim Purgatorium. Dixissem illud Prouerbiorum: Impius facit
 opus instabile; nisi Iacobus Heerbrandus egregiè, vt ipsi videtur,
 hæc omnia conciliasset; dicens; ea licet pugnantia, diuersis tamen
 temporibus à Luthero scripta fuisse. Præclarum profectò glossema.
 vt scilicet. nouis istis hominibus liceat in re grauissima, quicquid
 libuerit pro suo arbitratu, modò affirmare, modò negare; & ad
 extremum, vbisatis lusum fuerit, tribus verbis omnia componere,
 si dicant, non vno eodemque tempore se illa scripsisse. Sed, scripserit di-
 uersis.

Artic. 36. & 39.

In 324. Assert.
apud Eccles.

Con. 15.

Lib. 9. Confess.

Prouerb. cap. 11.

In Disput. contra
Purga. Tubingæ
habita. Posit. 61.

uersis temporibus, certè pleraque pugnancia iis temporibus scripsit, quibus se DEI spiritui iam agitari putabat.

XXVIII. REFERT Clemens Romanus, iussisse D. Petrum, In sua prima Epist. ut pro mortuis preces fierent, atq; pauperibus eleemosynâ distribuerentur, & agerentur exequiæ. Magdeburgenses Centuriatores Aduers. ds Epistolâs decretales Pontificum. vi-
dentes hinc inferri Purgatorium (nam huiusmodi operibus beati nõ egent, damnati verò minimè iuuantur) dixerunt, hæc aliena esse à sana doctrina, quia nusquam in Scriptura reperiuntur; quàm rectè, iudicent alij. Sed mirum est & à ratione valde alienum, quod isti, quæ in Scriptura expressa non sunt, admittere nolunt; quæ verò sunt, suo sensu, spretis antiquorum Patrum expositionibus, interpretantur, atque ita volunt ab omnibus intelligi ac recipi. Quis non videt, contra omnem rationem eos agere & partem & iudicem?

XXIX. VERVM quicquid isti somnient, ex Scripturis non obscurè colligitur, esse Purgatorium. Ac in primis: Qui dixerit (inquit CHRISTVS) verbum contra Spiritum sanctum, non remittetur ei neq; in hoc Seculo neque in futuro. Ex quo inferunt sancti Patres: Ergo in altero Seculo, si non hoc contra Spiritum sanctum, alia certè leuiora peccata remittuntur; alioqui frustra CHRISTVS adiecisset illud; Neque in futuro Seculo. Sicut, si in hoc Seculo nulla fieret remissio, quis non videt, frustra atque inaniter adiecturum fuisse: Non remittetur ei in hoc Seculo? Quod si ita est, peto ego ab istis: Quis ille locus est, in quo, si non blasphemia in Spiritum sanctum, at leuiora tamen peccata remittuntur? non cælum, opinor, in quod nihil intrat co inquinatum; non infernus, in quo nulla est redemptio: Neque rursum limbus puerorum, in quo tantùm detinentur, qui sola originali labe sunt infecti. Dandus igitur est alius locus (quem nos Purgatorium appellamus) in quo animæ soluant, quod debent, & eis peccatorum pœna remittatur.

XXX. AT ridet Oecolampadius & locum simul, & argumentandi formam. Perinde est (inquit) atque si dicerem: Neq; corpore neque animo sanus sum: habeo ergo alibi sanitatem. Atq; ut ex hac In Disputat. cum Eccles. in Helvetia habita conc. 5. forma.

forma nihil aptè concluditur; ita neque ex illis verbis: Neque hîc neque ibi remittitur; rectè collegeris, ergo est Purgatoriū. Vult enim, inquit Oecolampadius, CHRISTVS ibi tantum significare, blasphemiam in Spiritum sanctum nunquam habituram remissionē. Verum si ille vim argumenti percepisset, neque tam leuiter illud irrisisset, neque allatum à se exemplum in medium adduxisset.

XXXI. PRIMVM enim, et si mens CHRISTI fuerit significare, blasphemiam in Spiritum sanctum non condonatum iri; eo ipso tamen quòd hoc illa loquendi formula expressit, Neque in hoc Seculo neque in futuro; satis ostendit, alia ibi peccata solere remitti. Quomodo admodum etiam si aduocatus quispiam dicat suo clienti: Tanti sceleris nec à Senatu nec à Principe veniam obtinebis; quis est tam stupidus, qui non mox colligat, alia scelera leuiora vel à Senatu vel à Principe condonari solere. Deinde non animaduertit Oecolampadius suo se gladio iugulari: Qui enim affirmat, se nec animo nec corpore sanum esse, profectò indicat, sanitatem alicui solere esse vel in animo vel corpore. Pari ergo modo dicimus, CHRISTVM, dum in altero Seculo negat hoc peccatum remitti, apertè testari, aliorum remissionem ibi fieri. Neque enim de eo laboremus, quòd ibi non nominetur Purgatorium; rem teneamus, & sciamus, locum esse post hanc vitam, in quo peccata remittantur.

Apocal. cap. 21.

Ad Ephes. cap. 5.

1. Ioan. cap. 1.

Matth. cap. 16.

a In 20. De Ciu.

Dei cap. 25. &

lib. de hæret. ad

Quod vult deum

cap. 88.

b In comment. in

Ierem. super ca. 31.

XXXII. RVRSUM ex Scriptura habemus, in cælum nihil intrare coinquinatum: Et illud Apostoli: Vt exhiberet ipse sibi gloriosam Ecclesiam, non habentem maculam aut rugam, aut aliquid huiusmodi; sed vt sit sancta & immaculata. Que satis constat, non posse intelligi de Ecclesia militante, in qua, si dixerimus, quòd peccatum non habemus, ipsi nos seducimus, & veritas in nobis non est. Denique in ea docuit nos CHRISTVS dicere: Demitte nobis debita nostra. Intelligitur ergo de triumphante; vt ante nos intellexerunt D. August. & D. Hieronymus. Iterum docet Scriptura, in infernum non descendere, nisi qui extra charitatem, & in peccato mortali decedunt. Dicant ergo iam obsecro, qui Purgatorium negant,

negant, quid de illis futurum sit, qui venialium peccatorum maculis aspersi, vel certè adhuc pœna debitores excedunt è corpore? infernumne adibunt? at sunt in charitate; celumne? at sunt coinquinati. Fateantur ergo oportet, tertium esse locum, in quo & purgentur à maculis, & suam compleant factisfactionem.

XXXIII. Si dicant, morte voluntariè & libenter acceptata tanquam à manu DEI, omnia remitti: Primum experientia constat, plurimos esse, qui mortem non libenter acceptent; quia in re sepe fit, vt denuo peccent venialiter. Deinde quot sunt, qui dormiendo diem obeunt? quot, qui pugnando non absq; veniali cadunt? nunquid isti mortem æquo animo acceptant? Deniq; quot sunt, qui obstinati in multis venialibus decedunt? Neesse est dicant aduersarij, DEVM gratis omnia illa leuia peccata, atq; vnà pœnam eis debitam condonare. Atq; ita falsus est Iob, cum dixit: DEVS inultum abire non patitur; mentitus est Sapiens, cum aiebat: Cuncta, quæ fiunt, adducet DOMINVS ad iudicium pro omni errato; errauit CHRISTVS ipse docens homines reddituros rationem in iudicio de omni verbo otioso. Si enim gratis omnia condonantur, non debent adduci in iudicium.

Cap. 24.
Ecclesi. cap. 12.

Matt. cap. 12.

XXXIV. ILLVD verò, quod dicunt Aduersarij, Purgatorium inuentum esse Monachorum impij lucri gratia, vt scilicet populi inducerentur ad offerendum pro defunctis, falsum est & ab ipsis met confictum. Laudat Scriptura Iudam Machabæum, qui duodecim millia drachmas argenti misit Hierosolymam offerri pro peccatis mortuorum. Et subiungit Scriptura: Quia considerabat, quòd hi, qui cum pietate dormitionem acceperant, optimam haberent repositam gratiam. Sancta ergo & salubris est cogitatio, pro defunctis exorare, vt à peccatis soluantur.

Lib. 2. Machab.
cap. 12.

XXXV. NEC est quòd obijcias, casos illos grauiter peccasse, cum acciperent donaria idolorum, contrà atq; fuerat præceptum; malè igitur pro eis in peccato defunctis oblatum esse Sacrificium. Non enim est credibile, qui in pugna ceciderant, ad vnum omnes

violasse præceptum: Aut si violârunt, ostendit tamen Scriptura, illos, si non omnes, plerosque tamen respicisse; cum causam sacrificij assignet pietatem occisorum: Considerabat, inquit, quod hi, qui cum pietate, &c.

XXXVI. ADVERSARIJ hac auctoritate se stringi videntes, negant librum esse Canonicum. Expectabam ut dicerent, Monachum aliquem illa verba inscripsisse. Sed non minus errassent, quam cum negant librum esse Canonicum; siquidem contrarium attestatur Concil.^a Ephricanum tertium,^b Sexta Synodus,^c Concil. Florentinum, & ultimum^d Tridentinum. De eo etiam fit mentio in Can. 84. Apostolorum.^e D. Augustinus: Libros Machabeorum, inquit, non Iudei, sed Ecclesia pro Canonicis habet. Et^f D. Hieronymus affirmat, se primum librum Machabeorum vidi se Hebraicè conscriptum solum verò extare Græcè. Verùm quaecunque illud testimonium sit, (faciamus enim in gratiam istorum non esse Canonicum) habemus tamen ex eo primum, esse Purgatorium: Deinde habemus, consuetudinem illam pro mortuis offerendi rem esse antiquissimam, & non inuentum Monachorum, ut ipsi fingunt; id, quod etiam infra pluribus Patrum testimoniis confirmabitur.

XXXVII. SVNT in veteri Testamento plurimæ Scripturae, in eandem sententiam, quas, ne instituti nostri limites egrediamur, breviter tantum attingimus. Michæas: Ne lateris, inquit, inimica mea super me, quia cecidi; consurgam cum sid ro in tenebris. DOMINVS lux mea est. Inim DOMINI portabo, quoniam peccavi ei, donec causam meam iudicet, & faciat iudicium meum; educet me in lucem, videbo iustitiam eius. Et Iob: Quis hoc mihi tribuat, ut in inferno protegas me, & abscondas me, donec pertranseat furor tuus? Neque enim hoc potest intelligi de sinu Abrahæ, ubi nullus erat furor DOMINI: DOMINE (inquit David) eduxisti ab inferno animam meam: Saluasti me à descendentibus in lacum. Transivimus (inquit idem Propheta) per ignem & aquam, & eduxisti nos in refrigerium. Quam locum in hunc sensum citant Origenes &^b Ambrosius.

^a Canon. 47.

^b C. 8. cap. 2.

^c in syno. Aru.

^d Sess. 3.

^e in Scis. 4.

^f L. 18. De

Cur. Dei. cap.

36. 82. 1. de de-

ctis. Canticana,

cap. 16.

^f In Prologo

Galeato.

Cap. 7.

Cap. 14.

Psal. 20.

Psal. 67.

^a In Rom. 16.

^b In Rom.

^c In Rom. 16.

brofius. Scio hæc loca aliter exponi poffe: Sed hoc nimirum moueri debet, admittit enim Scriptura vno eodemque loco plures fenfus literales.

XXXVIII. VENIAMVS ad nouum Testamentum. Si quis (inquit D. Paulus) superædificat super fundamentum hoc aurum, argentum, lapides pretiosos, ligna, fœnum, stipulam, vnusquisque opus manifestum erit: Dies enim DOMINI de lucet; quia in igne reuolabitur, & vnus cuiusque opus quale fit, ignis probabit. Si cuius opus manserit, quod superædificauit, mercedem accipiet; si cuius opus arserit, detrimentum patietur; ipse autem saluus erit, sic tamen quasi per ignem. Superius dixerat Apostolus, vnumquemque propriam mercedem accepturum secundum laborem; & declarans, qualem quisque mercedem esset accepturus, subiungit allegata verba; in quibus duos veluti ordines constituit: Alterum eorum, qui damnantur ob sua mala opera, significata per ligna, fœnum, stipulam; quæ scilicet igne absumuntur, & digna sunt flammis tartareis, iuxta illud: Paleas comburet ignis inextingibili: Et ita exponit Theophanes Episcopus Niceæ. Alterum facit ordinem eorum, qui saluantur propter bona opera, significata per aurum, argentum, & lapides pretiosos; transeundo tamen per ignem, qui minutas sordes purgare debet, si quæ sunt bonis illis operibus admixtæ. Iterum duos ignes facit Apostolus; vnum anime detrimentum afferentem, semper vrendo; alterum purgantem, per quem sine detrimento transitur ad salutem. Denique concludens, quam mercedem sint homines accepturi, dicit: Cuius opus arserit, accipiet mercedem detrimenti, in igne scilicet inextingibili inferni: Cuius vero opus manserit, saluus erit; hoc est, accipiet mercedem salutis, sic tamen quasi per ignem, postquam scilicet erit igne purgatus.

1. Cor. cap. 3.

Math. cap. 3.
In Symphonia
reueris & noui
Testamenti.

XXXIX. QVOD si hoc de duplici igne expositio non placeat Aduersariis; id vnum ex sententia Apostoli in verbis citatis concedant necesse est; esse nimirum locum in die DOMINI (quæ est alio: um scilicet) ubi prius detrimentum patimur animis, ac tum

demum saluentur; Quod de inferno nequit intelligi, cum statim subiungat Apostolus: Ipse autem saluus erit; sic tamen quasi per ignem. Per ignem enim inferni, ut constat, non transitur ad salutem; transitur autem per ignem Purgatorij. Ita sancti Patres tum alibi tum in suis Commentariis in Epistolam ad Corinthios hunc locum intellexerunt. Quorum interpretationes non grauatim adferrem, si Adversarij, ut eas negare non possunt, ita, quod merito deberent, reuererentur.

In Disputat. Tur-
lingae habita co-
m. Purgat. prop.
43. & 141.

Cap. 69.

In Serm. 4. de
commem. anim.
qui est Serm. 41.
inter Scr. de fun-
ctis, & refertur. d.
25 cap. V num.
orarium.

In lib. 21. De Ci-
uit. Dei, cap. 24.
In expositione
Psalm. 37.
In Disput. habita
in Heluct. conclu-
quinta.

X L. D. tamen Augustinus (quem silentio etiam cum alijs præ-
terijssim, nisi cum aliqui ex Sectarijs iniquè satis traducerent, tan-
quam dubium, varium & sibi contrarium in hac materia) locum
Pauli de igne tribulationis in Enchiridio intellexit; sed mox ta-
men subiunxit: Tale aliquid etiam post hanc vitam fieri, incredi-
bile non est. Et alibi eundem locum explicans: Multi sunt, inquit,
qui lectionem istam male intelligentes, falsa securitate deci-
piuntur, qui credunt, si super fundamentum CHRISTI capita-
le crimen edificant, peccata ipsa per ignem transitorium posse pur-
gari, & ipsos postea ad vitam perpetuam peruenire. Intellectus
iste, fratres charissimi, corrigendus est, quia ipsi se seducunt, qui
taliter sibi blandiuntur; illo enim transitorio igne, de quo dixit A-
postolus; (ipse autem saluus erit, sic tamen quasi per ignem) non
capitalia sed minuta peccata purgantur. Sunt & alia loca apud
D. August. in quibus meminit Purgatorij; sed in re clara non est
immorandum.

X L I. MVLTVM sudat Oecolampadius in exponendo D. Pau-
lo. Ait enim, Apostolum (quicquid Patres & Doctores omnes cum
locum interpretantes senserint) per ignem intelligere tentationes
praesentis vitae; loqui autem contra falsos Doctores, qui se pro veris
populo venditant, quos adueniens tribulatio probat. Et quidem per
aurum, argentum, bonos; per scenum autem & stipulam, malos Chri-
stianos vult significari; quippe quos omnes absque discrimine tribu-
lationis & persecutionis ignis probat & examinat. Verum quàm
aliena

aliena sit hæc expositio à mente Apostoli, qui non de hominibus loquitur, sed de hominum operibus, quæ vel pænitus ab igne absumuntur, vel remanent purgata, ipsemet Oecolampadius animaduertens, mox secundam expositionem subiunxit.

XLI. *ERGO*, Apostolum loqui de Prædicatoribus, qui cum populum à se ad CHRISTI fidem traductum, persecutionis tempore vident desiscere, detrimentum pati dicuntur, quia non absque dolore hoc illis accidit: Opus autem eorum dicitur ardere, quia populus à fide deficit, quem iam pridem CHRISTO adiunxerant. Ipsi tamen Prædicatorum (inquit) salui erunt, sed quasi per ignem tribulationis, dum scilicet populi à se conuersi inconstantiam patienter tolerant.

XLI. *VERVM* hoc quid aliud est, quàm labenti edificio sustentacula admouere? veritas enim per se firma consistit. D. Paulus in eo loco generatim de omnibus hominibus loquitur; Oecolampadius contrahit ad particulares quosdam & paucos. Deinde non affirmat Apostolus, eiusmodi vel probationem vel retributionem mercedis futuram in hac vita, ut vult Oecolampadius; sed in altera: Dies enim (inquit) DOMINI (ut etiam Theodoretus legit) declarabit, & unusquisque suam mercedem accipiet. Vtrumque autem in altera vita fiet, quando revelabuntur abscondita tenebrarum, &c. Adde quòd Oecolampadij Præceptor Lutherus haud gravatè concessit, Apostolum loqui de altera vita.

In Diss. ut. Lipsæ habita.

VLIV. NON desunt plurima huiusmodi loca in Evangelio. *Esto* Math. cap. 5. consentiens, inquit CHRISTVS, aduersario tuo citò, dum es in via cum eo, ne forte tradat te aduersarius iudici, & iudex tradat te ministro, & in carcerem mittaris: Amen dico tibi, non exies inde, donec reddas novissimum quadrantem. Quem locum sancti Patres intelligunt de Purgatorio.

Origen. in Epist. ad Rom. D. Cy. in lib. 4. Epist. 2. D. Hieron. in Epist. ad Dem. D. Ambrosius in Luc. cap. 12. Ad Ephes. cap. 2. Apoc. cap. 5.

XLV. IN nomine IESU, ait Apostolus, omne genu flectatur, cælestium, terrestrium & infernorum. Et D. Ioannes testatur, se audivisse omnem creaturam, quæ est in cælo, super terram, & infra terram,

Psal. 6.

terram, dicentem sedenti in Throno & Agno: Benedictio, & honor, & gloria, & potestas in secula seculorum. Profectò ista de damnatis nequeunt intelligi, iuxta illud: In inferno autem quis confitebitur tibi? Laudant autem DOMINVM, & ei consitentur anima, quæ sunt in Purgatorio. Atque ita aptissimè intelligitur alia Scriptura, quæ

Psal. 123.

Cap. 2.

dicat: Non mortui laudabunt te DOMINE, neque omnes, qui descendunt in infernum. Et Baruch: Non mortui, inquit, qui sunt in inferno, quorum spiritus acceptus est à visceribus suis, dabunt honorem & iustificationem DOMINO; sed anima, quæ tristis est super magnitudinem mali, & incedit curua & infirma, & oculi deficientes & anima esuriens dat tibi gloriam. Loquitur autem de altera vita, ut ex contextu patet. Quæ verba non possunt convenire nisi animabus existantibus in Purgatorio.

XLVI. DENIQUE qui fatentur eorum, qui è vivis excedunt, alios esse optimos, alios pessimos, quosdam verò medio quodam modo affectos; (fateri autem hoc quotidiana experientia cogit) eos sanè manifestè constat cum ratione pugnare, si nō item medium quendam locum admittant, quem Patres Purgatorium appellarunt. Nam si sanctæ quidem & probatæ vitæ homines, fatentur in cælum ferri, perditos verò mox ad inferos trahi; quæ ratio obsecro suadere potest, non esse etiam pro mediocriter bonis & ex parte malis medium locum inter cælum & gehennam?

XLVII. VNDE (si rectè res perpendatur) Purgatorium negare, aliud non est, quàm sacra & œumenica Concilia, propè innumera, omnes sanctos Pontifices, qui ab initio CHRISTI Ecclesiam rexerunt, omnes denique Doctores atque aded totam Ecclesiam vel mendacij vel erroris condemnare. Qualem verò Ecclesie suæ curam habuisset CHRISTVS, si eam tot seculis in tanto errore reliquisset? Profectò iusta nobis de eo, tanquam de deceptore, conquirendi causa suppeteret; quippe qui in cælum ascensurus, promississet quidem, se fidum Doctorem inde ad nos transmissurum, qui doceret omnem veritatem; sed promissis minimè stetit. Aiunt enim ad-

uerfarij

Ioan. ca. 14. & 15.

uersarij omnes nos hucusque in errore versatos, & veram de Purgatorio doctrinam, non per Spiritum sanctum ab initio Ecclesie, sed per Lutherum Apostatam suis Symmysis esse patefactam. Nos verò multam illi dicimus salutem; neque enim sumus tam insipientes, ut credamus mille & quingentos annos tum orientalem, tum occidentalem Ecclesiam latuisse veram Purgatorij cognitionem; & in hac vltima mundi atate, in angulo quodam orbis primùm inuentam. Sed ne hæc gratis asserere videamur, breuiter Concilia, Pontifices & Patres annotabimus, qui Purgatorium esse, & crediderunt ipsi, & posteris credendum proposuerunt.

XLVIII. ERGO esse Purgatorium seu locum animarum expiationi deputatum, hæc Concilia inter alia docuerunt; ^a Carthagin. III. ^b Carthagin. II. ^c Viennense, ^d Valentinum, ^e Aurelianense II. Bracharense I. cap. 34. 39. Bracharense II. Can. 10. Antiofiodorense Can. 17. Vormaciense cap. 10. Tribur. cap. 15. 16. & 31. Toletanum VII. cap. 2. Epanense & refert. 26. quæst. 6. cap. Si Aliquis, Gabilonense de Consecr. d. 1. c. Visum est, ^f Lateranense Maximum, ^g Constantiense, ^h Florentinum & ⁱ Tridentinum.

XLIX. IDEM sua auctoritate confirmant Summi Pontifices Petri successores. Clemens Romanus Petri discipulus in Epis. c. 1. ad Iacobum fratrem DOMINI, refert D. Petrum docuisse pro defunctis orare ac dare eleemosynas; ^k Symmachus in Concil. Romano; ^l Gregorius Magnus pluribus in locis; ^m Gregorius II. ⁿ Innocentius III. Eugenius III. in decreto vnionis Concilij Florentini. Denique omnes Pontifices, qui concesserunt indulgentias pro defunctis (concessere autem ferè omnes) hanc veritatē confirmarunt; cum certò conslet, Indulgentias damnatis non prodesse; beatos verò, qui sunt in cælo, illis non indigere; indigent autem solùm animæ, quæ sunt in Purgatorio.

I. DE Ecclesie Doctoribus ac alijs sanctissimis & doctissimis Patribus non est quodd dicamus: Fatentur aduersarij, illos Purgatorium credidisse, & suis Scriptis alijs credendum suasisse: Verum

D

addunt,

2 Can. 29. & refert. de consecr. d. 1. cap. Sacrament.
b Can. 79. & 95. & habetur 26. q.
7 Can. Sacerdos.
c Can. 2. & 6. & refert. 13. q. 2. cap. Qui oblationes.
d Can. 4.
e Cap. 14.
f Can. 66. habetur de Syn. omnia. ad Apost.
g Sess. 8. Artic. 5.
h In de. reio. Vnionis.
i Sess. 6. Can. 30. & Sess. 25. cap. 1.
k Refert. 16. q. 1. ca. in Canonibus.
l In 4. lib. Dialogorum.
m In Epistol. ad Bonifacium.
n De celebrat. missæ cap. cum Mantha.

a In lib. de cur.
 pro. mor. in En-
 chir. cap. 68. Ser.
 4. Gu. 41. de San-
 ct. l. 9. contes.
 cap. 12.
 b In lib. 18. lib. in
 stat. in vita Paul.
 c In oratione tu-
 nehi Gratia. de
 obitu I. heodotij
 & in Commun.
 1. Cor. 13. 3.
 d Lib. 4. D. atog.
 cap. 17. 39. 80.
 e In lib. 14. in
 Leuit.
 f In lib. 4. Epist.
 2. & 5.
 g Homil. 6 super
 Ixod. Hom. 12.
 in Ierem. & super
 Num. 29. & 13.
 h De Eccl. Hier.
 cap. 7. p. 3.
 i In Liturgia
 precat. 3.
 k In oratione 7.
 l Ho. 32 in Mat.
 & Hom. 3 in cap.
 * 1. Epi. ad Phil.
 Luc. cap. 16.
 Matth. cap. 15.
 In Disputat. con-
 tra Purgatorium
 prop. 9.

De beatissimo par-
 uulorum, cap. 23.

2. Cor. cap. 5

Cap. 13:

addunt, eos omnes in errore fuisse versatos, gratias habendas esse
 Luthero, qui primum nobis hanc nouam lucem (si diis placet) attu-
 lerit. Sed abijt, vt vnum religionis desertorem anteponamus tot san-
 ctissimis Patribus, ^a Augustino, ^b Hiero. ^c Ambros. ^d Greg. ^e Cyril.
^f Cypr. & Orig. ^h Diony. Areop. ⁱ Basil. ^k Naz. ^l Chrysost. Dama-
 sceno in sermone de iis, qui in fide obdormierunt, Theophyl. in 12.
 cap. Luc. Epiphania contra haeresim Aërij lib. 3. haeresi 78. Tertul-
 liano in exhortatione ad castitatem & in libro de Monogamia, &
 innumcris alijs, qui omnes disertis verbis vel Purgatorium asserunt,
 vel (quod in idem incidit) aliquid in defunctorum subsidium facien-
 dum docent.

LI. PARCENDVM sanè esset Sectarijs & mitius cum eis
 agendum, si maioris momenti fuissent, quæ eos in hunc tam vetrum
 errorem contra tot Patres ac vniuersam Ecclesiam induxerunt.
 Quæ verò ea sunt, nunc paucis dicamus. Ac primam, atque ^{*} Scriptu-
 ram duo tantum agnoscere loca, sinum Abrahæ & infernum, regnum
 caelorum & ignem æternum. Quo argumento tanquam ariete quo-
 dam saepe iam alijs ab eiusdem farinae hominibus Catholicorum mu-
 ris admoto, putat Heerbrandus, se Purgatorium funditus euertisse.
 Verùm vbinam degent paruuli, qui cum solo originali decedunt, si
 duo sunt tantum loca? Non in caelo, quia sunt originali labe coin-
 quinati: Non in pœnis Gehennæ; quia cum nihil mali gesserint in
 corpore suo, cur debent in inferno torqueri? Adde quod D. Augu-
 stinus tantum dicit, eos esse in tenebris, extra inferni tormenta.
 Loquuntur igitur ibi sacrae Literæ de illis tantum locis, in quibus ho-
 mines in perpetuum recepturi sunt, prout gesserunt in corporibus
 suis, siue bonum, siue malum. At qui in Purgatorio detinentur, non-
 dum peruenerunt ad terminum; sed quasi nonnihil retardati in via,
 etsi non ita rectè, in caelum tamen tendunt, ac inter DE I filios nu-
 merantur.

LII. ILLVD verò, quod ex Ezzechiele pro se asserunt, vbi
 DEVS omnium iniquitatum ad peccatoris gemitus non se recorda-
 turum

turum pollicetur; recordaretur autem vel maxime, & non absque furore, si in Purgatorio pro peccatis adhuc danda sint pœnæ: Illud, inquam, totum, non ad probandum, sed ad decipiendum videtur allatum. Ibi enim Propheta non quoscunque gemitus, sed pœnitentiam, iustitiam, & praeceptorum observantiam requirit, quæ si hîc præstita non fuerint, ut debent, in Purgatorio utique per satisfactionem restant supplenda. Neque enim Catholici eos, qui perfectam pœnitentiam ante mortem egerunt, Purgatorio addicunt.

LIII. SED aiunt aduersarij, nos, dum sumus in eam rem intenti, ut remedium aliquod statuamus iis, qui cum leuibus maculis hinc excedant, non aduertere, quantum CHRISTO eiusque dignitati ac meritis derogemus: Quid enim, inquiunt, aliud est Purgatorium posset hanc vitam requirere, quàm significare, CHRISTI satisfactionem, & sanguinem non fuisse sufficientem ad exiguas illas pœnæ delendas? Sed neque hæc nobis noua est cantilena, quæ satis indicant, ignorare se, quid sit CHRISTVM penè ac sufficienter satisfecisse. Petimus enim ab illis: Nunquid CHRISTVS satisfecit & mortuus est pro fidelibus tantum, non etiam pro Iudæis, pro Indis & Saracenis? Cur igitur istis non prodesset mors CHRISTI ad salutem? Nunquid quia illis infernum statuimus, idcirco noui isti Theologi dicent, CHRISTVM non sufficienter & plenè pro illis operatum esse salutem? non opinor. Animaduertent enim, hanc non CHRISTI culpam esse aut defectum, sed eorum, qui non applicant sibi CHRISTI satisfactionem & mortem, per fidem, pœnitentiam & alia pia opera.

LIV. ERGO CHRISTVM plenè & sufficienter satisfecisse, nil aliud est, quàm ea plenè & abunde fecisse, quæ ex parte sua requirebantur. Hoc tamen non tollit, quin etiam homo opera sua satisfactoria debeat adiungere, quibus sibi CHRISTI satisfactionem & valorem applicet. Si quis verò in hac vita hæc complere neglexerit, complebit utique & supplebit in Purgatorio. Denique tantum abest, ut Purgatorium eleuet CHRISTI merita, ut vel

maximè commendet. Vnde enim igni vis illa expiandi, nisi ex CHRISTO & propter CHRISTVM?

LV. BONO proinde animo sint noui isti dogmatistæ, & neq; timeant neque doleant, CHRISTVM à Pontificiis factum esse dimidium saluatorem; eò quod dicant, suas satisfactiones cum CHRISTI satisfactionibus esse coniungendas. Si hoc est facere dimidium saluatorem, non sumus nos primi, qui id facimus. Fecit ante nos D. Paul. suas satisfactiones coniungens CHRISTI satisfactionibus. Gaudeo nunc, aiebat, in passionibus meis pro vobis, & adimpleo ea, quæ defunt passionum CHRISTI in carne mea pro corpore eius, quod est Ecclesia. En nihil reformidat Apostolus adimplere ea, quæ defunt passionum CHRISTI. Rursus quoties ille orat pro Romanis? pro Corinthiis? pro aliis? si nouatores consulamus, nihil hoc est aliud, quàm dimidiatas efficere orationes CHRISTI. Si enim CHRISTI preces per se satis sunt, non est quod oret Paulus. Intelligant ergo aliquando, quid velimus, cum dicimus, nostras satisfactiones etiam requiri, si vel hic vel in Purgatorio debeant peccatorum pœna remitti. Non affirmamus, illarum pœnarum partem remitti meritis CHRISTI, partem solui nostris satisfactionibus; hoc enim esset facere CHRISTVM medium Saluatorem: Sed intelligimus, CHRISTI merita & satisfactiones nobis applicari per nostras satisfactiones & bona opera; & omnem valorem, qui est in nostris satisfactionibus esse à CHRISTO & per CHRISTVM. In ipso enim benedixit nos DEVS omni benedictione in cœlestibus.

Concil. Trident.
Sess. 14. cap. 8.

1. Petr. cap. 2.

LVI. Ex his perspicuum est, ineptum esse modum illum argumentandi, quo isti vtuntur: CHRISTVS satisfecit pro nobis: Ergo nobis non est satisfaciendum. Ineptum, inquam, est hoc, & ab Apostolorum doctrina alienum. Aliter longè D. Petrus: In hoc, inquit, vocati estis, quia & CHRISTVS passus est pro nobis, vobis relinquens exemplum, vt sequamini vestigia eius. Vnde contrario planè modo ratiocinandum fuisset: CHRISTVS satisfecit pro nobis; nos igitur, si eius vestigia insequi volumus, vt Petrus monet, etiam satisfacere debemus.

LVII.

LVII. *AT* Calvinus & ex Lutheranis quàm plurimi putant, nos premi posse testimonio D. Ioannis, qui de cælo iussus est scribere: Apo. cap. 14
Beati mortui, qui in DOMINO moriuntur: A modo iam dicit spiri-
tus, ut requiescant à laboribus suis. At quæ requies, inquiunt, ma-
net fideles post mortem, si adhuc Purgatorios cruciatus tolerare
cogantur? Quasi verò asserant Catholici, omnes animas necessitate
quadam per ignem purgatorium ad salutem transire: Nihil minùs.
Sed dicunt cum Apostolo, eas duntaxat vim illius ignis experturas, 1. Cor. cap. 3.
quæ sordes aliquas admixtas habent cum auro & argento, quod su-
per ædificârunt supra fundamentum, CHRISTVM. Constat autem,
quàm plurimas vel pœnitentiæ lachrymis hîc, dum viuerent, sese
sponte abluisse, vel Martyrij tormentis expurgatas omnem peccati
scoriam abiicisse. De his igitur, qui verè in DOMINO moriuntur,
possunt verba illa Ioannis intelligi.

LVIII. *QVOD* si hæc illis minùs placent, placeant quæso, quæ Eccles. 9.
Ecclesiastes dicit dictis Beati Ioannis valde (ut puto) conformia:
Quodcumq;, inquit, potest manus tua, operare, quia nec opus, nec sci-
entia, nec ratio erunt apud inferos, quò tu properas; Profectò si hæc,
ut sonant, intelligantur, falsa sunt; cum certò constet, qui apud infe-
ros sunt, & ratione pollere, & scientias, quas hîc didicerunt, nò amit-
tere: Verissima autem erunt, si ut debent, accipiantur, quo ad meri-
tum. Qui igitur in DOMINO moriuntur, quiescere dicuntur ab o-
peribus suis meritorijs vel demeritorijs. Vnde non sine causa statim
jubiunxit D. Ioannes: Opera enim illorum sequuntur illos. Perinde
ac si beatus Apostolus diceret, in altera vita non esse locum merendi
vel demerendi; beatas proinde esse illas animas, quæ, dum in D O-
MINO moriuntur, hinc sua merita secum ferunt.

LIX. *EX* his facile diluitur, quòd Magdeburgenses & alij insul-
sè satis Catholicis obijciunt: Si datur, inquiunt, Purgatorium, & ani-
mæ in eo operibus viuentium adiuuantur: Datur igitur extra hanc
vitam locus merendi, contra Apostolum docentem, quòd nos omnes 1. Cor. cap. 5.
manifestari oporteat ante tribunal CHRISTI, ut referat vnusquis-

De cur. pro mor.
ger. &c.

que propria corporis, prout gessit, siue bonum, siue malum. At animaduertant, antiquam hanc esse hæreticorum obiectionem, cui multis in locis D. August. respondit; animas in Purgatorio non mereri, sed hic dum piè vixerunt meruisse, vt illic possent iuuari post mortem: Atq; ante Diuum Augustinũ simile quid docet Dionysius Ariopagita. Hæc de receptaculis & receptaculorum situ ac proprietatibus dicta sint: Qui verò sit animarum status ac conditio in vnoquoq; receptaculo, infra suo loco & ordine dicemus.



CAPVT QVARTVM,
QVAS FACVLTATES ET OPE-
RATIONES HABEANT ANIMÆ SO-
LVTÆ CORPORE, IN ALTERO
SECVLO.

CONCLUSIO LX.

Lib de Ecclæs.
dogm. cap. 4.



VONIAM sentiendi facultates non in sola anima perficiuntur, sed ex parte ab organis corporeis pendent, & vt inquit. D. August. duabus substantijs homo constat, anima & carne: Idcirco anima carne exuta, etiam animales illas facultates deponat, necesse est; id, quod non Theologi modò, verum etiam Ethnici Philosophi cognouerunt: Quamuis hi solam rationem naturalem sequentes, minus certam cognitionem habere potuerint de anima corporeis vinculis expedita.

Arist. de somn. &
vigil. cap. 1. 2. de
Anim. text. 21.
q. 12. met. text. 17

LXI. NEQVE verò hoc ita intelligi volumus, quasi nihil omnino earum facultatum maneat in anima, in qua, cum suam radicem conseruatam habeant, aliquo modo eas manere nemo omnino negare potest. Quemadmodum enim semen nondum in terram iactum, vim habet producendi germen & fructum; cum verò terra coniungitur,

coniungitur, quod in sua virtute & radice habebat, foras emittit; ita anima separata à carne, sensus habet virtute quadam seu origine; corpori iterum vnita, foris manifestat. Ex quo facile intelligitur illud D. Augustini dicentis, cum anima recedit à corpore, secum trahit omnia, sensum, imaginationem, intellectum, concupiscentiam &c. Et alibi: Solum hominem, inquit, credimus habere animam sensitiuam quæ exuta corpore viuit, & sensus suos tenet. Loquitur enim tantum de his facultatibus, vt virtute remanent in anima.

De spir. & anim.
cap. 15.

De Eccles. dogm.
cap. 16.

LXII. ET quemadmodum non satis est ad producendum germen, quòd semen vim illam in se habeat, sed aliquid præterea requiritur, in quo vim suam exerceat, & producat; non aliter anima separata impotens est ad actiones facultatis sentientis absq; corpore exercendas. Sed neq; status animæ id postulat, quæ corpore deposito, longè diuersissimam vitam ducit ab animali.

LXIII. SI ita est, inquit, quæ fieri potest vt Theologi communi consensu affirmant, animas tum in inferno, tum in Purgatorio, præter damni, sensus quoq; penam experiri? Necessè est profectò vel sensum aliquem ac sentiendi facultatem inesse animæ etiam separatæ, vel certè falsum esse Theologorum sensum. Verùm neutrum asserere nos cogit obiectio. Theologi enim penam sensus eam appellant, quæ ab anima percipitur, ac suo modo sentitur. Quemadmodum enim dum anima corpori est coniuncta, si contingat corpus comburi, perè illa tristatur, sentitq; combustionis dolorem & afflictionem; ita simile quid illi accidit iam separatæ. Et huiusmodi afflictio, quæ eodem ferè modo in purgatorijs, ac Tartareis illis flammis ab anima percipitur, est appellata pena sensus; ad differentiam pænæ damni, quæ cum sit optatæ visionis priuatio, per se percipi non potest.

LXIV. QVOD SI interdum diuinæ literæ animabus in altero seculo amorem & odium, gaudium & tristitiam tribuant, quæ ad concupiscibilem & irascibilem sensitiuæ partis facultatem spectare videntur; id eo sensu accipiendum est, quo & angeli gaudere dicuntur in cælis, super vno peccatore penitentiam agente: Et quo DEVS

Lub. cap. 17.

omnis

Psal. 59. 73. 105. *omnis sensus (de quo hîc loquimur) expers, nunc latari, nunc irasci, ab iisdem sacris literis significatur.*

14. De Trinitat.
cap. 11.

LXV. CÆTERVM nemo est, qui dubitet, quin retineat anima superiores illas facultates, quales sunt intellectus & voluntas; quippe quæ sunt vel eadem res cum anima, vel certè sedem suam à corpore seiunctam, totam habent in anima collocatam. De memoria verò intellectiua, quam nonnulli ex sententia D. Augustini in sola anima statuunt, in voce potius, quàm in re quæstio tota versatur.

LXVI. HINC fit, vt anima corporis mole liberata, pro natura facultatum, quas secum defert, operetur. Et quoniam alius est anima status in altero seculo, alium quoq; intelligendi modum esse oportet; siquidem modus agendi sequitur modum naturæ. Non enim ibi, vt hîc dum intelligit, phantasma contemplatur; neq; verò per sensus, quibus eam carere diximus, phantasmata colligere potest: Quare intelligit per species, quas hîc per sensus acquisitas in intellectu vnà cum scientijs retinet & conseruat. De nouo etiam multa intelligere non negamus; sed id per species de nouo à DEO infusas fieri asserimus, quæ sunt veluti participationes quædam diuini luminis.

Lib. 12. moral.
cap. 13.

2. Paral. cap. 34.

Cap. 145.

In l. de cur, pro
mor. gerenda,
cap. 15.

LXVII. QUÆ hîc apud viuentes aguntur anima separata, vi sua naturali nequeunt cognoscere. Defunctorum animæ (inquit D. Greg.) segregatae sunt ab hac vita & conuersatione viuentium; ideo non est quod nostra cognoscant. Idem significatum est illis verbis, quæ DOMINVS ad Iosiam Regem Iuda dixit: Iam enim colligam te, inquit, ad patres tuos, & infereris in sepulchrum tuum in pace, nec videbunt oculi tui omne malum, quod ego inducturus sum super locum istum & super habitatores eius. Et Iob: Siue fuerint (inquit) filij eius nobiles siue ignobiles, non intelligent. Non tamen idcirco negamus, quin ex diuina ordinatione scire possint, quid rerum apud nos geratur; vt

D. Augustinus confirmat.



CAPVT QVINTVM,
QVONAM MODO AC RATIO-
NE ANIMÆ VEL DEDVCANTVR AD
SVAS SEDES, VEL INDE EGRE-
DIANTVR.

CONCLVSIO LXVIII.

ANIMA ex corpore tanquam ex carcere quodam atque
ergastulo educta, mox diuinum de se iudicium, statum
suum & merita; quibus cum carnem deposuit, agnoscit;
simuletiam, quò sibi sit eundem. Et sicut certum est, huiusmodi iudi-
cium perfici à CHRISTO DOMINO, cui PATER dedit omne iudi- Ioan. cap. 5.
cium: Ita probabile est, animam, tum de sententia, tum de loco, ad
quem pergere debeat, vel Angelorum maximè tutelarum ministerio
edoceri, vel per species tunc à DEO infusas, vel ipso deniq; CHRI-
STO reuelante, nò vocali aliqua, aut externa disceptatione, sed vir-
tute diuina, certiore fieri. Atq; hoc particulare iudicium per inopi- Matth. cap. 24.
Marc cap. 13.
Luc. cap. 12.
natum CHRISTI aduentum sæpius Scriptura significat, dum ait:
Vigilate, quia nescitis, qua hora DOMINVS vester venturus sit.

LXIX. QVAMVIS autem nemini dubium esse debeat, animas,
vt esse ac naturam; ita se ipsas ad destinata loca permouendi vim ha-
bere; tamen spatio merendi iam absoluto, Angelorum & Dæmonum
ministerio putamus eò deportari, vbi recepturæ sunt digna factis sti-
pendia. Et vt certum est, beatorum animas ab Angelis placidissimè
in cælum ferri, quemadmodum anima mendici Lazari, CHRISTO Luc. cap. 16.
teste, fuit deportata in sinum Abrahæ; ita credibile est, infelices dam-
natorum animas magna vi à dæmonibus detrudi in Tartara.

LXX. NEC rationi nec Scripturæ vlli consonum est, vt ani-
mæ, quæ purum tantum aurum & argentum, absq; omni scoria, su- 1. Cor. cap. 3.
per adificâ-

Ad Philip. cap. 1.
Lu. cap. 23.

perædificârunt super fundamentum, quod est CHRISTVS, quæq; pro lege DEI sui vel certarunt vsq; ad mortem, vellauerunt stolas suas in sanguine Agni, retardentur à diuina essentiae visione. Secus frustra Paulus cupiuiſſet dissolui, vt esset cum CHRISTO; frustra & non rectè latroni dictum fuisse à CHRISTO: Hodie mecum eris in Paradiso; si vtriq; ad diem vsq; iudicij fuisse expectandum.

Ad Tit. cap. 2.

LXXI. NIHILO MINVS iusta causa fuit, cur sanctis Patribus in veteri Testamento, & sanctissimis Patriarchis, etiam ab omni culpa & reatu pœnæ liberis, expectandum esset in limbo; nondum enim erat solutum pretium redemptionis ipsorum; nondum effusus pretiosus ille sanguis; quo empti fuerant, promissione facta Patri à Filio; nondum venerat, qui eis celum tot seculis peccato clausum referaret.

Ad Hebr. cap. 1.

Et iam postquàm apparuit gratia DEI Saluatoris nostri, & loquutus est nobis DEVS in Filio, ac solutum pretium; patefacti sunt celi, & via strata est à CHRISTO. Nulla proinde causa superest, quamobrem Martyrum animæ detineri debeant sub Altari DEI, & non statim, ergastulo corporis relicto, euolent in celum, ad videndum eum, pro cuius nomine sanguinem profuderunt: Video (inquit Stephanus primus CHRISTI miles) celos apertos, & IESVM stantem à dextris DEI. Quid hoc fuit aliud, quàm quòd, postquàm apparuit gratia DEI Saluatoris nostri, celi ante egressum è corpore in ipsa adhuc pugna aperti sunt premium illi ostendentes, vt ouantem iam iam absq; mora susciperent. Stephanus (inquit Scriptura) intendens in celum, vidit gloriam DEI.

Ibidem.

Contra Vigil.

LXXII. CONFORME est hoc, quod dicimus, doctrina S. Patrum. Inter alios D. Hieronymus, Vigilantium increpans, sic loquitur de errore contrario: Tu DEO leges ponis? Tu Apostolis vincula iniicis, vt vsq; ad diem iudicij teneantur in custodia? Ne sint cum DOMINO suo, de quibus scriptum est: Sequuntur Agnum, quocunq; ierit? Similia habent pleriq; Patres. Et licet aliqui ex eis ante Ecclesiæ determinationem fuerint in contraria sententia; iam tamen post Ecclesiæ definitionem citra hæresis notam hac de re dubita-

D. August. de Eccl. dogm. ca. 79.
D. Gregor. in 4. Dialog. c. 25. &c.
26.

dubitare non licet. Fateamur nihilominus, plenum illud & consummatum premium, quod ex verisq; partis animæ scilicet & corporis beatitudine constatur, non ante extremum iudicii diem perceptum iri, de quo est illud Pauli: Reposita est mihi corona iustitiæ, quam reddet mihi DOMINVS in illa die iustus iudex.

Bened. XI. in sua
exeran. lino. III.
cap. Apostolicam
de prebitero
non baptiz.

2. ad Tim. cap. 4.

LXXIII. ILLVD verò D. Pauli ad Hebræos, cùm loquens de sanctis veteris Testamenti subiunxit: Hi omnes testimonio fidei probati, non acceperunt repromissionem, DEO pro nobis melius aliquid providente, ut non sine nobis consummarentur; non est intelligendum de die iudicii, in quo electi simul accepturi sunt premium, (nisi forte accipias de premio consummato animæ & corporis; cui expositioni fauet verbum illud, consummarentur.) Hoc tantum vult indicare Apostolus, veteris Testamenti Patres non primos & solos accepisse repromissionem, sed vñ cum eis nonnullos etiam sanctorum nouæ legis. Itaq; illud (sine nobis) non personam Pauli determinatè significat, sed indeterminatè aliquos de noua lege. Nam certum est, in illa captiuitate, quam Triumphator CHRISTVS in cælum ascendens, captiuam duxit, præter innumeros antiquos Patres, fuisse etiam Innocentes, D. Ioannem Baptistam, Latronem, Iosephum, & alios: Hos ergo vñ cum illis consummatos esse dicit Apostolus.

Ad Heb. cap. 11.

Pl'm. 67.

LXXIV. ETSI animabus extra receptacula, pro sua voluntate & arbitrio euagari non licet: DEO tamen annuente, interdum egredi permittuntur ad tempus. Hinc Moyses & Elias in monte Thabor visi sunt cum CHRISTO tribus Apostolis. Hinc Samuel Prophetæ Sauli apparuit in vico Endor. Huc spectant verba D. Hieronymi in Vigilantium paulò antè citata: Tu Apostolis vincula inijs? Et D. August. Feruntur, inquit, mortui nonnulli vel in somnis, vel alio quocunq; modo apparuisse viuentibus, atque ubi eorum corpora iacerent, intimasse. Hac si falsa esse responderimus, contra scripta quorundam fidelium, & contra eorum sensus, qui talia sibi accidisse confirmant, impudenter venire videbimur. D. Gregor. huius rei plurima commemorat exempla.

Matth. cap. 17.

1. Reg. ap. 28.

De Cur. pro mor.
gend. cap. 10.

In 4. lib. Dialog.
cap. 16. &c.

LXXV. SED non, quia eis interdum locum mutare permittitur, putandum est, eas simul etiam conditionem mutare: Nam ut beatae, quocumq; se conferant, & quibuscumq; spectandas se praebeant, nullum faciunt iacturam beatitudinis; ubiq; enim praesentem habent DEVM quem intueantur; ita damnatae atq; addictae ignibus Purgatorij, si quandoque potestate sibi facta (quod tamen damnatis & paruulis in limborariis contingere putamus) ad tempus egrediantur, suas secum poenas ubique circumferunt.

Luc. 16

LXXVI. AC nemini quidem dubium est, quin huiusmodi permissio, in bonum finem semper à DEO fiat, vel in correctionem uiuentium, vel in ipsarum animarum subsidium (sepius enim uiuorum suffragia petitorum exire permittuntur) vel deniq; propter aliam quamlibet honestam causam, ut D. Aug. copiosè loco superius citato ostendit. Nobis tamen uiuentibus huiusmodi apparitiones optandae non sunt, ut firmiores simus in fide, & ne videamur parati magis ad credendum apparitioni defuncti, quam CHRISTI Euangelio. Vnde diuiti illi purpurato petenti, ut Lazarus mitteretur, qui suis fratribus nuntiaret parata posse hanc vitam peccatoribus tormenta, dictum est: Habent Moysen & Prophetas, illos audiant. Et rursus urgenti, quasi facilius inducendi essent ad poenitentiam, si quis ex mortuis veniret, responsum est: Si Moysen & Prophetas non audiunt, neq; si quis ex mortuis resurrexerit, credent.

Matth. cap. 9.
Marc. cap. 5.
Luc. cap. 7.
Ioan. cap. 11.
Act. cap. 9.

LXXVII. VT certum est, multos tum à CHRISTO tum ab Apostolis & alijs sanctis viris fuisse à morte reuocatos ad vitam; ita non minus certum est, eorum animas vel ex limbo Patrum aut paruulorum, vel ex Purgatorio rediisse; ex beatitudine verò vel poenis aeternis inferni, post absolutam DEI sententiam, reuocatum esse nullum.

In Sermone de his
qui in fide migra-
runt.

LXXVIII. ILLVD verò, quod de Traiano refert D. Damascenus, eum D. Gregorij precibus fuisse liberatum ex inferno; cuius rei, inquit, testis est Oriens & Occidens; exponendum est, non negandum. Cum perforum, inquit, Traiani lapidibus stratum iter faceret D. Gregorius, validas preces ad misericordem animabusque propitium

propitium DOMINVM habuit, vt Traiano Regi peccata dimitterentur. Et confessim vox allata, audita est in hunc modum, dicens: Preces tuas audiui, & veniam Traiano do. Tu verò deinceps hostiā pro impio ne offeras. Hoc inquam & item illud, quod Sulpitius de D. Martino commemorat, qui à mortuis dicitur excitasse eum, qui se suspendarat, minimè aduersatur iis, quæ suprā diximus, post absolutam scilicet DEI sententiam ex inferno reuocatum esse neminem. Nā Traianus & alij infideles, qui excitati sunt à mortuis, vel non dabant suorum scelerum pœnas in inferno, vel non fuerant vltima sententia inferni pœnis addicti: Vtrumque enim DEVS potuit efficere, seruorum suorum merita & orationes prauidens.

Sulpit in vita D
Martini.



CAPVT SEXTVM,

DE SVBSIDIIS, QVÆ ANIMA,
BVS DEFVNCTORVM à VIVENTIBVS
IMPENDVNTVR.

CONCLVSIO LXXIX.

U THERVS (vt inquit non levis quidem auctor) mortuorum pariter & viuorum capitalem se hostem esse declarauit, dum hos quidem auocauit à cultu & inuocatione sanctorum, quorum precibus maximè iuuabantur; illos autem priuauit suffragiis viuentium, quæ non parùm eis emolumenti afferebant. Et si DEVS est DEVS viuorum & mortuorum (sue enim viuimus, siue morimur, DOMINI sumus) quanam obsecro fronte, nouitij Hæretici, Lutherum virum Germaniæ VIRVM DEI, maiusculis etiam literis nomen consignantes, appellare non verentur?

In suis Præfatio
nibus.

LXXX. VERVM, clamant Sectarij, suffragia inuentum esse Monachorum, pecuniis emungendis accommodatum. Clamant iterum, non animabus defunctorum, sed viuentibus lucro esse. Quod si

de sue sectæ hominibus intelligunt, nihil moror; verissimè dictum est; ijs enim, qui in hæresi diem obeunt, neque suffragia, neque Indulgentiæ, neque Purgatorium prodesse possunt. Adde quòd pro ipsis orare, non laterem tantùm fuerit lauare, verùm etiam grauissimo scelere se obstringere. Si verò de fidelibus id affirmant, qui in Ecclesia piè moriuntur, nimirum illi suo more, quicquid libet, loquuntur, nihil solliciti, quamam id vel autoritate, vel ratione confirmant.

In 4. Tomo literarum Indicarum.

In Phœd. in suo Alcoran.

In Disput. citata Proposit. 55.

LXXXI. NVLLA natio est tam immanis & barbara, atque de se bene meritorum adeò immemor, quæ non sibi habeat persuasum, locum esse post hanc vitam, in quo parentum, consanguineorum & amicorum animæ detentæ, pijs viatorum operibus adiuvantur, Testes sunt Indi, qui etiam hodie retinent vetustam & à suis maioribus receptam consuetudinem celebrandi anniuersarium diem animarum; quamuis opera, quæ in animarum subsidium ab illis fiunt, multis superstitionibus sint permixta. Testis est Plato, qui de hac re non pauca literis mandauit. Testes denique sunt Saraceni ipsi & Turcæ, siue legis, quæ similia præstare iubentur, non parum studiosi. Quod tamen non idcirco à nobis affertur, ut per se satis firmam Purgatorii & suffragiorum doctrinam, hoc velut unico fundamento stabiliamus, quemadmodum nonnulli imperitè calumniantur; sed ut intelligant aduersarij, qui Purgatorium & suffragia negant, non Pontificijs tantum, sed omnibus omnino nationibus & gentibus, quæ animæ immortalitatem credunt, atq; adeò rationi ipsi & communi hominum naturæ scelestum à se bellum esse indictum.

a In Epist. citata ad Iacob. fratrem Dominum.
b Ser. 34. de verbis Apostol. & in Enchir. cap. 110. & habetur 13. cap. Tempus,

LXXXII. SUPEREST, ut ad comprobanda suffragia, quæ defunctis impenduntur, accedamus, quæ in re tamen breuiores erimus: Siquidem quicquid paulò antè de Purgatorio dictum est, id omne facit etiam ad præsentem materiam confirmandam. Primum igitur, perpetuus vsus & traditio est in Ecclesia DEI, suffragia piè defunctorum animabus cum primis prodesse. D. Petrus (referente ^a Clemente Romano) docuit eleemosynis & orationibus fidelibus defunctis suffragari. ^b D. August. Orationibus, inquit, Ec-

clesia

classe & sacrificio salutari, & eleemosynis, non est dubitandum, mortuos releuari. ^a *D. Athanasius, peccatorum animas, asserit,* ^a *In lib. de vario q. 9. 34.*
participare aliqua beneficia ab exangui immolatione & gratificatione pro ipsis facta, sicut solus ordinat & precipit, qui mortuorum & viuorum potestatem gerit, DEVS noster. ^b *D. Basilius: Et me-* ^b *In sua Lyturgia.*
mento, inquit, omnium dormientium in spe resurrectionis vite aeterna, & refrigera eos, ubi visitat lux vultus tui. ^c *D. Chrysostomus:* ^c *Ho. 21. in Act Apo.*
Si preces pro illo faciamus continuas, si eleemosynas demus, & si ille indignus sit, nobis DEVS placatior erit. Et infra: Non frustra, inquit oblationes pro defunctis fiunt, non frustra preces, non frustra eleemosyna. Bugalis monialis Germana ante oclingentos annos, tempore Zacharie Pontificis, ad Bonifacium Germanie Apostolum ita scripsit: Similiter deprecor, vt oblationes missarum offerre digneris pro anima mei propinqui. Ipse Lutherus: Nolo, inquit, mihi suspicionem fieri, quod faneam hereticis, aut Boëmis: Ego nihil de Purgatorio noui, nisi animas ibi pati, nostris operibus & orationibus iuuandas. ^{In Disput. Lipsiensi habita.}

LXXXIII. SED hac non mouent sectarios; qui ediam demeritæ venerunt, vt neque sanctos neque sanctas quicquam amplius cernerent; Scripturas volunt: Quanquam, quid dico, volunt? Nam si verè vellent, nunquam vel à nobis oblatis vt apocryphas reijcerent, vel à se admissas, extortis & è suo cerebro natis interpretationibus deprauarent. Dicant obsecro, vbi nam in Scriptura prohibitum est orare pro defunctis? ostendant, si possunt; aut si nusquam est prohibitum, cur ipsi prohibent? Et cum sit perpetua huius rei in Ecclesia CHRISTI traditio, & consuetudo ab Apostolis inchoata, cur eam improbant? Cur damnant?

LXXXIV. VERVM, quoniam Scripturas appellant, scripturas vnà cum ipsis adibimus; vnum hoc tantum prius cuperem intelligere. Cum plurimæ sint Scripturæ, quæ in varios sensus trahi possunt, vt iam à Catholicis & hereticis trahi videmus: Vnde obsecro sciemus, quæ nam sit vera illius Scripturæ intelligentia?

Heretici

*Hereticis suam probant, illam Catholicorum reiiciunt: Contrà Catho-
lici, nostram admitti volumus; nōne quæso, ut veritas aliquando
agnoscatur, standum est eorum sententiæ, qui sunt extra hanc pug-
nam? Hi verò non alij sunt quàm sancti Patres diu multumq; in sa-
cris literis versati; at errare Patres, vociferantur Sectarij; nos con-
trà, ipsos potiùs errare, affirmamus. Quibus igitur credendum?*

Suprà in cap. 3.

LXXXV. VENIAMVS nunc ad Scripturas. In primis cùm
superiùs de Purgatorio ageremus, allata sunt ex utroq; Testamento
quàm plurima, quæ hanc quoque doctrinam de suffragiis non obscure
comprobant. Sed nunc alia proferamus. Senior ille Thobias hoc con-
siliũ vel præceptum inter alia plurima Thobiæ filio dedit: Panem,
inquit, tuum & vinum super sepulturam iusti constitue, & noli ex eo
manducare & bibere cum peccatoribus. En Eleemosynas pro defun-
ctis. Non, inquiunt aduersarij, sed simpliciter iubet filium elargiri
Eleemosynas; nihil illi cum defunctis. Si ita est, quorsum ergo illud
(super sepulturam iusti.) Deinde nōne antea Eleemosynas erogan-
das esse præceperat, cùm diceret: Ex substantia tua fac Eleemosynã,
& noli auertere faciem tuam ab illo paupere.

1. ad Tim. cap. 2.

LXXXVI. D. Paulus quoque iubet fieri obsecrationes, orationes,
postulationes & gratiarum actiones pro omnibus hominibus, nulla
facta mortuorum exceptione. Cur isti excipiunt? Cur de viuenti-
bus duntaxat volunt intelligi, cùm Apostolus non dixerit pro viuenti-
bus? Deinde nōne, qui in vera fide decesserunt, viuunt in Do-

Ad Coloss. cap. 3.

MINO? Nōne vita eorum abscondita est cum CHRISTO in
DEO.

2. ad Timo cap. 1.

1. ad Thes. cap. 1.

1. ad Tim. cap. 2.

Ad Rom. cap. 15.

Ad Philip. cap. 4.

Act. cap. 12.

LXXXVII. RVRSVS si D. Paulus non semel aliorum pro se
atque aliis orationes exposcit; si ipse vicissim orat pro aliis; si denique
Lutherani admittunt licere implorare preces sanctorum viuentium;
consequens profectò est, ut dicamus, viuentium orationes viuenti-
bus prodesse; alioqui frustra hæc omnia fierent; frustra etiam nos
Paulus & Iacobus hortarentur ad orandum pro inuicem. Agè igitur
queramus nunc ex istis, quæ sit, ut, quod ab altero factum est id ce-
dat

D. Iacobus in sua
Can. cap. 5.

dat in meum commodum? Respondebunt, esse in Ecclesia sanctorum communionem, atq; ita, quia omnes communi charitatis vinculo inter nos colligati sumus, fieri, vt, quod est istius proprium, charitate meum efficiatur. Sed nunquid charitas morte euacuatur? Nunquid exci- 1. Cor. cap. 12.
dit? Cur igitur non erit etiam defunctis eadem nobiscum communio, Marc. cap. 2.
quandoquidem es eadem vinculum? Et si paralytico apud CHRIS-
TVM profuit fides offerentium, cur non etiam defunctis proderunt
sacrificia pro ipsis in fide CHRISTO oblata.

LXXXVIII. DEINDE cum à natura inditum sit, vt eiusdem corporis membra se mutuò tueantur ac iuuent, quid caussa sit, quam- obrem non etiam viuentes subsidio esse queant ijs, qui in DOMINO moriuntur? Sumus, inquit Paulus, corpus CHRISTI, & membra de membro: Neq; vnum alteri dicere potest: Opera tua non indigeo. Ac tantò quidem magis egent defuncti nostris subsidijs, quanto iam minus sibi subuenire possunt. Sunt enim certè agra membra, dum Purgatorijs ignibus non secùs atq; ardentissima aliqua febris excruciantur. Et tamen nos, qui sanitate adhuc fruimur, his opem ferre non poterimus? Imò verò poterimus vel maxime, modò Apostolum audiamus, Ad Rom. cap. 12.
qui non rarò hoc argumento vtitur ad fidelium inter se communio- 1. Cor. cap. 12.
nem comprobendam. Ad Ephes. cap. 4.

LXXXIX. AT inquit Aduersarij, iam illi sunt à nobis separati, nullum est nobis cum illis commercium, iam sunt constituti in termino. Ergo diuisus est CHRISTVS? Et Schisma est in ipsius corpore? Absit. Sed tametsi communi nobiscum vitæ consuetudine non v-
tantur, manent tamen eiusdem corporis membra; neq; enim per mortem abscissi sunt à corpore CHRISTI, quod est Ecclesia. Neq; rursus sunt in termino, vt isti comminiscuntur; sed peregrinantur adhuc à DOMINO, perinde atq; nos, licet dispari conditione.

XC. SED omnium maxime premit aduersarios celebris illa Iudæ 2. Mach. cap. 12.
Machabæi oblatio, pro ijs, qui ceciderunt in pugna; quam proinde in-
signi illo epiphonemate concludit Scriptura: Sancta & salubris est co-
gitatio pro defunctis exorare, vt à peccatis soluantur. De quo testimo-

nio sic ait D. August. In Machabaeorum libris legimus, oblatum pro mortuis sacrificium; sed si nusquam in Scripturis veteribus omnino legeretur, claret, inquit, hac consuetudine autoritas Ecclesiae.

XCI. PRÆTER communem hanc consuetudinem, qua, teste D. Augustino, Ecclesiae claret autoritas, & præter allatas à nobis Scripturas, sunt non pauca sacrorum Conciliorum decreta, in quibus non obscure, sed disertis planè verbis de suffragijs agitur, & simul etiam de modo ea offerendi. Ac^a Carthaginense quidem IV.^b Valentinian.^c Agathense, in eos animaduerti iubent, qui suffragia & oblationes defunctorum non exequuntur. Concilium verò^d Tolet. III.^e Florent. ac^f Trident. & approbant suffragia, & modum, quo illa peragenda sunt, docent.

^a Cap. 95.
^b Cap. 4.
^c Cap. 4.
^d Cap. 22.
^e In Intro
Sels. 25.
^f Cap. 1.

XCII. AB hac demum doctrina stant omnes sancti Patres, qui vel cura defunctorum habenda meminerunt, vel status animæ post hanc vitam. Et quamuis Patribus non credant sectarij, nisi quando eorum auctoritatibus contra Catholicos abutuntur; libet tamen præter paulò antè citatos, ex multis paucos alios addere, ut omnes intelligant, quàm aliena fuerint à veneranda illa antiquitate, impia hac & grata demoni placita sectariorum. ^a Dionysius Areopagita multa dicit de precibus, quæ fundebantur pro defunctis. ^b D. Chrysostomus: Non temerè, inquit, ab Apostolis sancitum est, ut in tremendis mysterijs, defunctorum agatur commemoratio. D. Ioannes Damascenus testatur, hanc consuetudinè fuisse inchoatam ab Apostolis, & CHRISTI discipulis, quos ait sanxisse, ut preces pro mortuis funderentur. Basilus, Gregorius, Nazianzenus, Athanasius, Gregorius Emyssenus, Augustinus, superius citati, idem testati sunt, quos asserre nimis longum esset.

^a De Bece Hier
Ap. 7. ferè per to-
tam.
^b In hora 69. ad
Pop. Anathache.
num.
^c In term. de his,
qui in fide migra-
uerunt.

In conc. us. 21. &
in cap. 5. de Pur-
gatorio.

In Disput. contra
Purgator. prop. 8.

XCIII. QVARE impudenter satis Heerbrandus suffragia præstigijs appellat, fallacium demonum; perinde atq; si omnes, quos mille quingentis annis Spiritus sanctus posuit Pastores & Doctores regere Ecclesiam DEI, demonum præstigijs illusi fuissent; vnus autem Heerbrandus cum suo Luthero fraudem deprehendisset.

XCIV. SED obijciunt noui isti correctores veteris disciplina: *Legimus in sacris literis: Quæ seminauerit homo, hæc & metet. Reddet unicuique DEVS secundum opera sua; ut referat vnusquisque propria corporis, prout gessit: Opera illorum sequuntur illos. At si viuentium suffragia profunt defunctis, certè iam metunt, quæ non seminârunt, & reddit illis DEVS non secundum opera eorum, sed aliorum, hoc est, viuentium. Ita homines acuti argumentantur; sed nondum nobis simplicibus persuadent. Primum enim ut suprà meminimus, non inficiantur ipsi; neq; verò inficiari possunt, si vellent, viuentium alijs aliorum preces prodesse. Litebit ergo pari modo contra illos argumentari. Igitur non reddit DEVS unicuique secundum opera ipsius. Aut si hoc inde non efficitur; neque illud, quod ipsi aduersum nos concludunt.*

XCv. DEINDE Scriptura in illis locis, loquitur de præmio vitæ æternæ, quod vtiq; distribuit DEVS secundum vnus cuiusq; opera & promerita. At quis vnquam Catholicorum contrarium somniauit? quis vnquam affirmavit, suffragia viuentium prodesse defunctis ad præmium vitæ vel ad augmentum gratiæ aut gloriæ? Sanctorum ergo Patrum doctrinam secuti dicimus, suffragijs pœnas illas temporales relaxari, quas animæ, quæ hic non planè pro peccatis satisfecerant, in Purgatorio alioquin luere debebant. Sed quid hoc obsecro ad illud præmium? Deniq; nihil nouum aut magnum adferunt aduersarij. Iam pridem hoc idem sibi obiecit Augustinus, idem sibi Dionysius; neq; aliter quàm nos respondent. Cui etiam responsioni consonat D. Ioannes, qui quasi explicans, de qua siue retributione, siue messe loquantur ipse & Paulus: Et qui metit, inquit, congregat fructum in vitam æternam. Vt proinde luce clarius sit, loca illa tantum intelligenda esse de præmio, ut vocant, essentiali, non item de pœnis peccato d. bitis, aut alia quauis mutua bonorum operum participatione; nisi forte collimus sanctorum communionem.

XCvi. QVOD si adhuc vrgeat Hæreticus: DEVS non punit quemquam ob delicta alterius; neque igitur parcat vni pro-

Ad Gal. capit. 6.
Ad Rom. cap. 2.
& Psalm. 61.
2. Cor. cap. 5.
Apocal. cap. 14.

Concil. Florent. &
Concil. Tril. locis
gratis.

August. in Ench.
cap. 110.
Dionys. de Eccle.
Hier. cap. 7.
Cap. 4.
Ad Gal. ca. 5.

Exod. cap. 20.

1. Paralip. cap. 21.

Exod. cap. 20.

pter opera alterius, quantumvis bona; quare neq. viuorum suffragia proderunt defunctis: Respondemus, falsum esse, quod sumit. Nam quis ignorat, ob scelera parentum plecti filios, ob Principum delicta subditos? Ego sum (inquit) DOMINVS DEVS fortis zelotes, visitans iniquitatem Patrum in Filios in tertiam & quartam generationem. Quid? nonne ob peccatum Dauid perierunt vno die in Israël septuaginta millia virorum? Punit igitur DEVS alium ob alterius delicta. Cur igitur non idem parcat ob benefacta? Faciens, inquit, misericordiam in millia his, qui diligunt me.

CXVII. AT, inquis, loca, quæ afferuntur, tantum demonstrant, temporali pœna alium propter alium plecti. Quasi verò non item temporalis sit illa pœna, quam dicimus ob nostra opera defunctis condonari? Deinde neq. ea pura condonatio dicenda est, sed satisfactio; quod enim vnus soluat pro altero, id non efficit, quin vera solutio sit, & satisfactio. Deniq. illa ipsa opera, quæ fiunt pro defunctis, non tam illorum dicenda sunt, qui ea offerunt, quam eorum, pro quibus offeruntur. Sunt enim his ab illis liberaliter donata.

a 1. d. mor. Ec.
cap. 34.b in Enchir. cap.
110. & habetur
13. q. 2. cap. Tem-
pus.

XCVIII. NEQVE Synodus Elibertina legitima Ecclesie suffragia prohibuit, sed damnauit abusus, qui irrepsertant. Contra quos item eleganter^a D. Augustinus: Si petas, vnde habeant defuncti, vt eis prosint suffragia viuorum? Optimè respondet^b D. Augustinus his verbis: Decedentes in gratia, dum hic viuerent, meruerunt post mortem inuari suffragijs viuorum. Aut si viciniorē causam desideras, ea erit communio charitatis, quæ nunquam excidit.

In cap. 6. ad Gal.
& reiert. 13. q. 2.
cap. in præsentia.

XCIX. AT in præsentiseculo, inquit D. Hieronymus, siue orationibus, siue consilijs inuicem posse nos adiuuari; cum autem ante tribunal CHRISTI venerimus, nec Iob, nec Daniel, nec Noë rogare posse pro quoquam. Sed hoc, nonnulli dicunt, de impœnitentibus accipiendū esse, quales sunt qui moriuntur in hæresi. Potest etiam non incommode intelligi de supremo iudicio, in quo post latam sententiam, nec preces, nec suffragia valebunt.

C. Ex

C. Ex dictis constare arbitror, quamobrem ij non releuenter suffragiis, qui tartareis cruciatibus sunt addicti: Nā praterquā quod sunt in termino, deest illis etiam charitas, quæ radix est & fundamentum recipiendi fructum suffragiorum. Frustra illis à suis, inquit D. August. loquens de damnatis, huiusmodi pietatis officia impenduntur, cuius, dum hic erant, pignore caruerunt. Neque rursum capaces sunt diuinæ misericordiæ; quippe quorum superbia ascendit semper. Ex quo fit, vt peccatum sit, pro damnatorum salute DEVM exorare.

Serm. 32. de ver.
Apostoli & term.
41. de sanct. In En
chir. c. 67. & 68.
De fide & oper. c.
14. 15. 16. De Ci-
uit. l. 22. ca. 21. &
26.
Palm. 5.

CI. IDEM prorsus iudicium est de paruulis, qui decedunt absque baptismo: Sunt enim adhuc filij iræ, & suo etiam modo DEO inimici. Noli credere nec dicere, inquit idem Augustinus, Sacrificia Christianorum pro iis, qui non baptizati de corpore exierunt, offerenda, si vis esse Catholicus; quia nec illud, quod de Machabæorum libris commemorasti sacrificium, pro iis, qui non circumcisi de corpore exierunt, ostendis oblatum.

Lib. 3. de Anim.
& eius orig. c. 17.
Conc. Bracarense
prim. cap. 37.

CII. RVRVS, cum suffragia sint quedam auxilia, quibus uiuentes Christiani defunctorum animabus subueniunt, ac pro earum pœnis DEO satisfaciunt; clarum etiam est, beatas animas illis non indigere; eas dico, quæ superato huius vitæ flexu, ad optatam metam iam peruenerunt: Nulla enim premuntur necessitate, cui suffragiis medendum sit. Vnde iniuria est (inquit D. Augustinus) orare pro Martyre, cuius nos debemus orationibus commendare.

De verb. Apost.
serm. 17. & refert,
de celebr. miss. ca.
cum Marthæ.

CIII. RELIQUVM igitur est, vt suffragiorum fructum ij duntaxat percipiant, qui vel debita nondum hic soluta, vel leuia peccata, humana infirmitate dum uiuerent admissa (vt Dionysius Areopagita testatur) ibi soluenda ac purganda reseruauerunt. Cui etiā D. August. consentit, qui non semel affirmat, iis tantum suffragia prodesse, qui sunt mediocriter boni vel mali.

De Eccle Hierat.
c. 7. in Theoria.
In Ench. cap. 110.

CIV. SED nunquid pia opera defuncti impensa, depereunt penitus, & nihil prosunt offerenti? Minimè; siquidem primario suffragiorum autori (quem ponimus DEO esse amicum) plus emolumenti

lumentis ex illis accedit, quàm iis, quibus illa impenduntur: Ipsi enim (si obicem non posuerit) ratione meriti prosunt ad augendam gratiam & gloriam; defunctis verò non, nisi ratione satisfactionis, prosunt ad solutionem temporalis debiti. Accidit etiam non raro, vt hæc ipsa satisfactio reflectatur & redeat in sinum suffragantis, cum videlicet hi, quibus suffragia impenduntur, non ampliùs indigent.

Psalm. 34.

CV. QVAMVIS praua ministri conditio vim suffragiorum non tollat, vt si pius Dominus alicui pauperi eleemosynam eroget per nequam seruum; tamen si minister, cui opus demandatur, vita sanctimonia & innocentia DEO fuerit probatus, opusque illud pie & sanctè exequatur, non dubium est, quin singularis inde valor operi accedat. Quod de iis tantùm suffragiis dictum volumus, quæ non sunt propria ministrorum: Dubium enim est, an ieiunia à sceleratis subditis, pij licet superioris iussu peracta, vim habeant releuandi defunctos.

CVI. DENIQUE, primum inter suffragia dignitatis ac valoris locum suo quasi iure sibi vendicat sanctissimum Sacrificium Altaris, secundum Eleemosyna, tertium Oratio. Quamuis, si aliquando ingens esset pauperum necessitas, eorum potius inopiæ consulendum esset, quàm vacandum orationi vel sacrificio.



CAPVT SEXTVM,
DE STATV ET CONDITIONE
ANIMARVM, QVÆ SVNT IN COE-
LO EMPYREO.

CONCLUSIO CVII.

2. ad Tim. cap. 4.



ELICES Animæ post certamina & cursum feliciter consummatum, in caelo Empyreo coronam iustitiæ à DEO repositam

repositam incredibili gaudio ac gratiarum actione suscipiunt; ac
vnaqueque in sua sede iuxta propria merita collocata, & corrobo-
rata lumine gloriæ, DEVM OPTIMUM MAXIMUM intuetur,
non per speculum in enigmate, non in similitudine procul; sed de facie
ad faciem. 1. Cor. 13.
1cb. cap. 36.

CVIII. NEQVE enim negandum est, diuinam essentiam
à creatura rationali videri posse, propterea quòd sacra Scriptu-
ra 1. ad Tim. cap. 1. & cap. 6. vocet Regem seculorum inuisibilem,
& lucem dicat habitare inaccessibilem. Est enim alia Scriptura,
Matth. cap. 18. quæ dicit: Angeli eorum semper vident faciem Pa-
tris mei, qui in caelis est. Quòd si est, quæ dicat: Faciem meam vi-
dere non potes; est item altera, quæ dicit: Videbimus eum sicuti
est. Quæ loca quia inter se minimè pugnant, expositione tantum
indigent. Igitur omnis ambiguitas tollitur, si dicamus, nullam crea-
turam solis naturæ viribus DEVM clarè intueri posse; gratia
verò & DEI auxilio adiutam, posse. Gratia DEI (inquit Pau-
lus Ad Rom. cap. 6.) vita æterna. Nec displicet asserere, cum sacra
litera negant nos DEVM videre posse, intelligendum esse vel de
visione comprehensiuâ (ut vocant) vel pro presentis vite caducæ
& mortalis statu duntaxat. Non videbit enim me homo, inquit, &
viuet. Exod. cap. 33.
Ioan. cap. 3.

CIX. SVNT ergo omnes beatæ, ut diximus; sed in beatitudine
non omnes æquales. Qui parçè seminat, inquit Apostolus, parçè &
metet. Quod etiam CHRISTVS indicauit, cum dixit: In domo Pa-
tris mei mansiones multe sunt. Omnes quoque totum DEVM appre-
hendunt quidem, sed nulla cõprehendit; non solum quia DEVM Deiq;
attributa non ea perfectione & claritate vident, qua ex se videri
possunt; sed etiam quia omnes DEI perfectiones, atque attributa di-
stinctè ac per modum resolutionis, ut dici solet, nulla cognoscit. Est
enim diuina illa maiestas infinitum quoddam pelagus perfectionum;
quare maiori etiam quàm finita virtute opus est, si quis vno intui-
tu, rem

Concil. Florent. in
prim.
1. Cor. cap. 9.
Ioan. cap. 14.
De Hieron. in 2.
lib. contr. Iouianū
D. August. in lib.
de virginitate.

tu, rem simplicissimam in infinitas perfectiones distinguendo, omnes debeat distinctè apprehendere.

CX. IGITUR quælibet illarum diuinam essentiam, tres personas & ea attributa distinctè videt, quæ in hac mortali vita per fidem in ænigmate à nobis cognoscuntur. Ex aliis verò DEI perfectionibus eò plures vnaquæque distinguit atque cognoscit, quòd est beatior, ac illustrata maiori lumine.

D. August. 11. De
Ciu. Dei cap. 7.
& in 4. super Gen.
ad litteram ca. 23.
facit duplicem co-
gnitionem matu-
& vesp. .

CXI. PRÆTER iam dicta multa etiam alia creata tum in se-
ipsis tum in verbo, tanquam in lucidissimo speculo, à beatis illis men-
tibus cognoscuntur. Et vt certum est, nullam earum simul nosse om-
nia, quæ DEVS vel claro intuitu videt, vel cognoscit simplici intel-
ligentia; ita dubium non est, eas omnia cognoscere, quæ ad se suumq;
statum pertinent.

Calvinus.
Monemius.
Ariopæus.

CXII. HINC est, quòd quidam ignorantes modum, quo no-
stræ orationes ac necessitates illis innotescerent, impudenter satis ne-
gârunt, eas orare pro nobis in cælis, ac proinde nullam ipsis nobiscum
esse communionem. Idcirco, inquiunt, DEVS subduxit mortuos è
nostro contubernio, vt nullum esset nobis cum illis commercium. Eò
scilicet duxit maledicendi libido novos istos Euangelicos, vt terras
maledica lingua se turbâsse non contenti, in cælum etiam posuerint os
suum; sed quam appositè, id nunc videamus.

Palm. 72.

CXIII. IN PRIMIS isti scindunt Ecclesiam DEI, & proinde
loquuntur, atque si Ecclesia triumphans alia esset à militante, cum
minimè sit ita: Non enim digamus aut polygamus est CHRISTVS;
vnà est sponsa eius Ecclesia, cuius tamen diuersi sunt status. Deinde
si ratio illa, quam afferunt, quicquam valeret, pari modo isti nobis
probarent, nec CHRISTVM esse à nobis inuocandum, nec illum in
cælis pro nobis patrem exorare. Nam si propterea, quia quispiam
è nostro contubernio subductus est, idcirco mox neque ille pro nobis
apud DEVM, neque nos apud illum supplicare debemus; cum CHRI-
STVS item à nobis subductus sit, quomodo vel nos illum inuocabi-
mus? vel ille pro nobis intercedet apud DEVM: Friuola ergo est
argumen-

argumentatio. Subducti sunt sancti è nostro contubernio: Igitur nihil nobis debet esse cum illis, neque illis nobiscum, commercij.

CXIV. AC sanè sanctos hîc, dum viuerent, pro aliis orâsse, nemo Genes. cap. 20.
est qui ambigat. Abraham orauit pro Abimelech, & exaudita Job. cap. 42.
est eius oratio. Imò quod maius est, amici Iob à DEO ipsâ manda-

zum acceperunt, vt redirent ad amicum Iob, eumq; rogarent, vt pro
ipsis intercederet apud DEVM. Ac modò Scriptura subiunxit: Et su-
scepit DOMINVS faciem Iob. Quæro nunc ex iis, qui sanctorum
preces floccipendunt, ac se illis minimè arbitrantur indigere, quid
istorum sanctorum animos impellebat ad orandum pro nobis, dum hîc
communem nobiscum vitam agerent? Charitas, dicent. Et rectè qui-
dem: Nam charitatis ea est natura & conditio, vt oculorum alte-
rum in DEVM, alterum propter DEVM in proximum figat. Cum
igitur beati illi spiritus eandem prorsus in cælo charitatem ac multò
etiam perfectiorem obtineant (charitas enim, vt inquit Apostolus, 1. Cor. cap. 13.
& nos suprâ meminimus, nunquam excidit) cur non iam ardentiores
pro nobis ad DEVM preces fundent? An fortè quæ inter miseras
hîc se beneficam erga alios exhibebat, nunc perfecta in cælo reddita,
desidiosa aut obliuiosa est?

CXV. SED ait Oecolampadius, animas in cælis à DEO nō exau- In comment. su-
diri. Verùm hinc non rectè inferet, non eas etiam orare: Nam non ex- per Iliam
audiri significat orationem fusam quidem, sed non consecutum effectū.
Vnde oret necesse est, qui dici debeat non exaudiri. Sed esto, inferat
quod voluerit, nō tam ille nobiscum pugnabit, quàm secū ipse; quippe
qui in Disputatione cum Eckio habita, & alibi, sanctos pro nobis ora- In Heluetia habi-
re admittit: Nisi fortè excusandum putes, quòd non vno eodemq; loco tra & in libro, quò
ac tempore hæc inter se pugnancia scripserit; quemadmodum suprâ, in- tribuitur pleg-
in nō multum dissimili materia dicebamus Lutherum excusari à suis mara Chrysolto-
discipulis. Quod si admiserimus, mirum tamen profectò fuerit, San- mi.
ctos hîc in terris, dum inter spem & metum fluctuarent incerti de sua Suprà conclus. 273
salute, exauditos fuisse; nunc cum meliori sunt conditione, & in DEI
amicitia stabiliti, non exaudiri, nihil impetrare.

In lib. cent. Vi.
gigantium.

Exod. cap. 32.

Afor. cap. 27.

Ecclesiast. ca. 12.

Iob. cap. 33.

Zach. cap. 1.

2. Lib. Machab.
cap. 12.

Istem. cap. 15.

CXVI. *AVDIANT* quaso novi *Vigilantium*, quid *D. Hieronymus* scribat aduersus antiquum *Vigilantium*, ipsorum in hac heresi *Parentem & Praeceptorem*: *Dicis*, inquit, quod, dum vivimus, multo orare possimus, postquam autem mortui fuerimus, nullius sit pro alio exaudienda oratio. Si *Apostoli & Martyres* adhuc in corpore constituti possunt orare pro ceteris; quando de se adhuc debent esse solliciti, quanto magis post victorias, coronas & triumphos? *Vnus homo Moyses* sexcentis millibus armatorum impetrat a *DOMINO* veniam; & *Stephanus* imitator *DOMINI* sui, pro persecutoribus veniam deprecatur; & postquam cum *DOMINO* esse ceperint, minus valebunt? *Paulus Apostolus* ducentas sexaginta animas in nauisibi condonatas dicit; & postquam resolutus esse ceperit cum *CHRISTO*, tunc omnia clausurus est, & pro iis, qui ad suum Euangelium crediderunt, mutire poterit, meliorque *Vigilantius* canis vivens, quam ille leo mortuus? Recte hoc proponeres, si *Paulum in Spiritu mortuum* confiterer.

CXVII. *SI* fuerit, inquit *Scriptura*, pro eo *Angelus* loquens, vnus de millibus, & annuntiet hominis aequitatem, miserebitur eius *DEVS*, & dicet: *Libera eum*, ut non descendat in corruptionem; inueni, in quo ei propitier: Et alius item *Angelus* oravit pro populo, qui erat in captivitate. Et ne hoc solius *Angeli* munus videatur, *Onias de Ieremia Propheta* dixit *Iuda Machabaeo*: *Hic est*, qui multum orat pro populo, & vniuersa sancta Civitate.

CXVIII. *SI* steterint, inquit alibi *DEVS*, *Moses & Samuel* coram me, non est anima mea ad populum istum; & tamen hi tum non erant in viuis. Quare non obscure significat, illos etiam solere coram se comparere, & pro alijs quandoque aliud impetrare. Nam si nunquam vel illi pro nobis intercederent, vel *DEVS* illos intercedentes exaudiret, ridicule sanè hoc *DEVS* adduxisset, tanquam signum quoddam singularis odij aduersus contumaces & impoenitentes *Iudaeos*. Vnde pater, cum *Sanctorum animae* in limbo etiam & carcere existentes, orauerit pro viventibus; quid nobis credendum

dum sit fieri ab iisdem, felicem iam in cælis vitam cum DEO ducen-
ribus?

CXIX. SAPIENTIORES quidam ex nouatoribus, ut sibi vi-
dentur: Non orant, inquit, pro nobis Sancti in cælis; quoniam cer-
nentes, CHRISTVM ad DEVM accedere, ac pro nobis interpellare,
iniuriam CHRISTO irrogarent, si partes suas ad orandum pro nobis
interponerent; perinde quasi CHRISTI preces per se non essent suf-
ficientes. Sed ne hi intelligendo faciunt, ut nihil intelligant. Num-
quid enim D. Paulus in terris degens, ignorabat, CHRISTVM in
cælis interpellare pro nobis, ac eiusdem preces esse sufficientes? Cur
ergo suas quoque orationes interponebat? Quod si, cum hæc nostras cum
CHRISTI precibus coniungimus, nõ facimus CHRISTO iniuriam;
certè neque si illi suas coniungant in cælis. Longè ergo rectius isti cõ-
cluserunt: CHRISTVS caput orat pro nobis; igitur & Sancti; decet
enim membra concordare cum capite.

Ad Hebr. cap. 7.
Et 1. Ioan. cap. 2.

CXX. NON EST credendum (ut de quibusdam refert D. Augu-
stinus) tunc Sanctos viscera misericordie amissuros, cum fuerint ple-
nissima & perfectissima sanctitatis, ut qui tunc etiam orabant pro
inimicis, cum ipsi sine peccato non erant. Et Origenes: Omnes Sancti,
inquit, qui ex hac vita decesserunt, habentes adhuc charitatem erga
nos, si dicatur iuuare nos precibus suis atque interuentu apud DEVM,
non est inconueniens. Scriptum est enim in libris Machabæorum
de Ieremia, quod semper oret pro populo.

Lib. 21. de Ciuita-
Dei, capit. 16. &
Scrm. 18. de San-
ctis. Similia scri-
bit de Beatis.
Virg.
Homil. 3. in cant.

2. Lib. Machabæ-
cap. 12.

CXXI. CONCEDVNT ergo tandem iuniores nostri temporis hæ-
retici, & ingenuè fatentur. Sanctos cum CHRISTO regnantes in
cælis pro nobis orare. An prudentius, quàm ipsorum Preceptores,
qui hoc Catholicis initio vel apertè negabant, vel timide & subobscu-
ris verbis concedebant, iudicent alij. Negarunt certè olim Eusta-
chius, & Vigilantius, Hieronymo teste, & alij.

Cont. Vigilant.

CXXII. LVTHERVS verò antiquarum hæresum hæres, qui
banc etiam iam sæpe in Ecclesia sepultam, tanquam non postremam
hereditatis sue partem exhumauit, ex parte concessit, negauit ex

Habita in Hel-
uetia.

In Apologia con-
fess. sui Principis
pericop. 3.
In Disput. de In-
uoc. Sancti. habita
Tubingæ, con-
clus. 26.

parte; concessit Sanctos orare, negauit orare pro particularibus per-
sonis, sed generatim tantum pro Ecclesia. Oecolampadius non lubens
quidem, sed argumentis in disputatione victus cōcessit pro nobis ora-
re. Brentius & alij liberiùs hanc veritatem confitentur. Omnes ta-
men vno ore vociferantur, Sanctos, posteaquàm ex hac luce migrà-
runt, nullo pacto esse à nobis vel venerandos vel inuocandos; quàm
verè, quàm conuenienter sacræ Scripturæ, sanctissimis Patribus &
ipsi denique rationi, statim ostendam, si prius Proteum illum, de quo
dicere ceperam; in diuersa transformatum, spectandum & contem-
plandum omnibus proposuero.

In Lib. de decem
Præcept.

CXXIII. LUTHERVS ergo agens contra VValdenses seu Pi-
cardos, quòd Germanis affingerent idololatriam propter cultū et ve-
nerationē Sanctorum, & q̃ loca Scripturæ, quibus vnus DEVS ado-
rari iubetur, insulsè pro se allegarent, vocat eos impios scripturæ per-
uersores & subdolos calumniatores nostræ pietatis. Tum addit: O-
mnes Sancti omnia possunt, & tantū tibi per eos à DEO datur, quan-
tum credis te accepturum. Rursus in concione quadam, quam edidit
de præparatione ad mortem; hortatur ægrum, vt inuocet omnes An-
gelos præcipuè tutelarem; CHRISTI item Matrem, Apostolos &
Sanctos omnes, eos præsertim, erga quos specialem sentiat animi pie-
tatem. At non diu post longè aliter sensit, cū viucentes quidem Sā-
ctos comparauit gemmis, mortuos verò idolis & lignis. Dicit fortè
Heerbrandus, necdum ei nouam illam lucem affulsisse, cū priora
illa scriberet. At si ita est, cur in concione funebri, quam decimoter-
tio anno ante obitum habuit, probans, quàm pretiosa sit in conspectu
DOMINI mors Sanctorum eius, ait; DEVM maiori in pretio ha-
bere Sanctos vita functos, quàm in carne degentes? Nonne ista &
sensit, & dixit iam illuminatus? Sed ad rem veniamus.

Defunct. Sax.
Surtius in sui hi-
sto. Anno, 1533.

CXXIV. CVM concedant aduersarij, beatos in cælis pro nobis
orare, asserimus nos vicissim, vel potius vniuersa asserit Catholi-
ca Ecclesia, esse à nobis & venerandos & honorandos. Neque hoc
puto à quoquam absque extrema dementiæ nota posse negari.

Nam

Nam vel credunt nouatores, eos regnare cum CHRISTO in cælis, vel non credunt. Si non credunt, non igitur deinceps clament, Scripturas, Scripturas: Siquidem hac in parte satis ostendunt, se esse infideles, & ne Scripturis quidem credere. Sin autem credunt: Sanctos in cælos degere cum CHRISTO, non tamen à nobis esse venerandos; quid magis admirer nescio, stultitiàmne ipsorum, an imperitiàm, vel potius utrunq. Certè in terris non seruos modò & mancipia, sed ipsos etiam canes terrenorum Principum magnificimus, & eo solùm nomine, quia Principum sunt, tractamus reuerentiùs; & filiorum ac hæredum DEI, coheredum CHRISTI nulla erit habenda ratio? nullus honor illis impendendus? quis ferat? An quia admissi in consortium Angelorum, adepti sunt repromissionem, & coronati triumphant in cælis, idcirco priuandi sunt omni honore & cultu?

1. Ad Tim. cap. 2.

CXXV. RESPONDENT Evangelici: Stat firma sententia Pauli, ut extra hanc vitam soli DEO detur honor & gloria; & ne verbulum quidem de honore Sanctis exhibendo. Verùm Paulus non dicit: Extra hanc vitam; sed absolute, nullum vel locum vel tempus excludens: Soli DEO honor & gloria. Quare si eius verba tam rigidè & pressè accipere velimus, ut isti faciunt, iam nulli omnino præter DEVM, erit honor exhibendus. Dicit enim: Soli. Quod si ita est, cur idem Paulus alio loco scribit: Gloria & honor & pax omni operanti bonum? Cur, quod maius est, DEVS iubet honorari parentes? Alius igitur honor DEO debetur, alius Sanctis, alius Principibus: DEO quidem singularis & summus, ut communi omnium Creatori & Redemptori; proximus, Sanctis tanquam DEI amicis, & ijs, qui facti sunt diuina consortes naturæ; tum demum Principibus quoq; & Maioribus suis est exhibendus, tanquam potestatem nat'is à DEO. Vnde ut frustra timent sectarij, ne CHRISTO debitum honorem adscribamus Sanctis; ita neq; ipsi id nobis adscribant; quod tamen alicubi facere videntur.

Ad Rom. cap. 2.

Exod. cap. 20.

2. Petr. cap. 1.

Ad Rom. cap. 13.

In Disputa. de Inno-
cent. Sancti. con-
cluf. 74. Tubingg
habita.

CXXVI. MIHI autem, inquit Dauid, nimis honorificati sunt amici tui DEVS, nimis confortatus est principatus eorum. Qui

Psal. 138.

Ioan. cap. 15.

obsecro sunt isti amici? Nōne Martyres, qui animam suam posuerunt pro amico CHRISTO? Nōne Apostoli, quibus ipse CHRISTVS dixit: Iam non dicam vos seruos, sed amicos? Nunquid autem desierunt esse amici, quia coniuncti sunt cum DEO in cælis? Non arbitror: Dicant ergo queso aduersarij, quomodo honorificati sunt ab ipsis, qui imagines eorum confregerunt, festa sustulerunt, & quotidie adhuc eorum memoriam è mentibus hominum delere conantur? DEVS bone, quàm dispares isti sunt nostris maioribus, sanctissimis & doctissimis viris, Augustino, Basilio, Ambrosio, Gregorio, qui festos Sanctorum dies agentes, ipsimet eorum laudes publicis ad populum Sermonibus celebrarunt! Dignissimi profecto, & omni exceptione maiores testes nobis futuri, coram tremendo illo iudice, nouorum hominum impietatis.

Ioan. cap. 12.

Act. cap. 9.

Luc. cap. 10.

Psal. 67.

CXXVII. SI quis mihi ministrauerit, ait CHRISTVS, honorificabit eum Pater meus. Equum igitur fuerit, ut nos illos venerationem in terris: Rursus Paulo Ecclesiam persequenti dictum est à DOMINO: Saule, Saule, quid me, persequeris? Et de Apostolis dicebat CHRISTVS: Qui vos spernit, me spernit. Ex quibus mox manifestum euadit, quòd quemadmodum Sanctos & amicos DEI persequi, est, DEI amicitiam violare; ita eosdem venerari, est DEVM honorare. Gloriosus DEVS, inquit Dauid, in Sanctis suis. Toto igitur cælo aberrant, qui Sanctis cum CHRISTO regnantibus honorem & venerationem negant; neq. minùs errant, quàm si negarent DEO ipsi. Verùm verò cultus, qui Sanctis exhibetur, adoratio dicatur, vel venerationis solùm, nihil laboro: Vt cuius enim nomine appellatur, certum est, nos eundem cultum non exhibere DEO & Sanctis.

CXXVIII. ADVERSARIJ hoc portu exclusi, aliò se conferunt, & quicquid sit, inquirunt, de veneratione Sanctis exhibenda, hoc vnum certissimum est, illos non esse à nobis inuocandos. Verùm hoc non magis certum est, quàm reliqua duo iam à nobis confutata, Sanctos scilicet non orare pro nobis, neque esse à nobis venerandos. Nunc hoc tertium videamus. Ac imprimis quidem illud

pona-

ponatur, Catholicos non inuocare Sanctos, vt omnem spem & fiduciam suam in illis collocent, quasi putent, eos per se posse concedere, quod petitur; hoc enim modo vnus DEVS est orandus. Sed oramus Sanctos, vt pro nobis intercedant, & à DEO, in quo spes nostra ac fiducia, tanquam in vero fundamento sita est, petant id, quod assequi cupimus. Bonum est atq; vtile, inquit Concilium Tridentinum, suppliciter Sanctos inuocare, & ob beneficia impetranda à DEO, per filium eius IESVM CHRISTVM DOMINVM nostrum, qui solus noster Redemptor & Saluator est, ad eorum orationes, opem auxiliumq; confugere.

Sess. 22. cap. 3.
& Sess. 25. cap. 2.

CXXIX. HÆC mens & sententia est & fuit semper Catholica Ecclesia, quicquid non minùs imperitè quàm impiè & mendaciter asserant Lutherani, Pontificios scilicet plùs fidei collocare in Dinis, quàm in DEVM; ac derelictò fonte aquæ viuæ, cisternas, quæ aquam non continent, homines sibi effodere. Ecclesia certè nunquam ita sensit. Eiusmodi verò siquiescent, profectò nec Catholici, nec Pontificij essent.

In Disput. de In-
uoc. Sancti, con-
cluf. 12.
Ierem. cap. 2.

CXXX. ATQVE hoc, quod Ecclesiam sentire dicimus, sensit etiam & docuit Propheta ille regius, cum aiebat: Leuari oculos meos in montes; vnde veniet auxilium meum? Per montes autem intelligit Sanctos, teste D. August. Et ne quis deciperetur, expectans auxilium à Sanctis, quasi à primario fonte, subiunxit: Auxilium meum à DOMINO, qui fecit cælum & terram. Quam Propheta sententiam optimè exponens D. Augustinus: Noli putare, inquit, quod ipsi montes tibi dabunt auxilium; accipiunt enim, quod dent, non de suo dant. Atque hanc esse mentem totius Ecclesiæ Catholicæ, cùm Sanctos inuocandos esse docet, fidem faciunt preces, (quas Litanias vocamus) in quibus cùm DEVM Patrem, vel Filium, vel Spiritum sanctum inuocamus, dicimus: Misereere nobis; cùm verò beatissimam Virginem, vel B. Ioannem, vel alium quampiam ex Sanctis: Orapro nobis. Fuit autem in Ecclesia Catholica hæc precandi formula ante mille ferè annos: Vt profectò impudentia sua merito

Psal. 120.

Psal. 120.

meritò pudere debeat eos, qui Sanctos eodem modo à nobis inuocari fingunt, ac DEVM.

CXXXI. Hoc ita posito, concedunt aduersarij, licere nobis inuocare Sanctos, dum hic nobiscum viuunt; cum verò discedunt à nobis & viuunt cum CHRISTO, non licere. Quod, quia etiam ipsimet aduertunt, cum ratione pugnare, vt scilicet Sancti, dum hic mortalem vitam agunt, multis calamitatibus & æumnis impliciti, atq; adeo aliorum opis egentes, possint à nobis licite inuocari, & inuocati opem ferre; in cælum autem euecti, immortales, immaculati, & extra omnem egestatem constituti, DEO gratissimi & coniunctissimi, neq; inuocari licite possint, neq; inuocantibus præstò esse; id, inquam, quia vident cum ratione pugnare, ita duntaxat tueri conantur, vt dicant, illud ex Scriptura haberi; hoc non item. Quam in re præterquam quòd in forma argumentandi suo more turpissime labuntur, (argumentum enim ab auctoritate negatiue nullius est momenti; nòrunt hoc etiam Logici) satis ostendunt, quàm parùm sint in Scriptura versati; vt non multò post patebit, cum sanctarum literarum loca in medium proferemus.

Oecolampadii
conclus. 3. Disput.
Heluet.
Brentius in Apo-
log. sut Principis.
De inuoc. Sancti.
conc. 16. Tubin-
gæ hab 12.

CXXXIII. NVNC tantùm velim scire ex ijs, qui concedunt, Sanctos in cælis pro nobis orare (concedunt autem, vt antè dicebamus, ex recentioribus plerique) cur, si illi vltro nobis suas Orationes elargiuntur, non liceat nobis eas petere? Respondet grauis autor Heerbrandus: Quia Scriptura, inquit, hoc prohibet; sed vbi quæso prohibet? In ijs locis, inquit, vbi iubet: Non habebis DEOS alienos. Verùm nisi aliud asserat, inane est hoc, neque erat opus Hieronymi & Augustini testimonium in medium asferre, qui aiunt, Martyres non esse adorandos vt DEVM. Iam pridem hoc sciebamus, & sciunt ipsi quoque Lutheri discipuli, nihil tale vnquam ab Ecclesia tributum esse Sanctis; quamuis reclamante conscientia, contradicendi libidine stimulati dicant, Pontificios innumeram sibi Deorum Dearumq; turbam fabricari; nihil tale ipsi vnquam à Catholicis factitatum legerunt, aut si legerunt, proferant. Nos certe illis Concilij Tridentini

Conclu. 16. 27. &
26. vbi supra.

Tridentini verba, prater ea, quæ paulò antè ex eodem & ex Diuo Augustino adduximus, proferemus, quibus Ecclesia apertè declarat, quid DEO, quid idem Sanctis impendat.

CXXXIII. ET quamuis (inquit Concil. Trident.) in honorem & Scol. 22. cap. 2. memoriam Sanctorum nonnullas interdum Missas Ecclesia celebrare consueuerit; non tamen illis Sacrificium offerri docet, sed DEO soli, qui illos coronauit. Vnde nec Sacerdos dicere solet: Offero tibi Sacrificium Petre vel Paule; sed DEO de illorū victorijs gratias agens, eorum patrocinia implorat, vt ipsi pro nobis intercedere dignentur in cælis, quorum memoriam facimus in terris. Hactenus Concilium. Quare non tam sumus nos fabricatores falsorum DEORVM (neque enim Sanctos vt DEOS inuocamus) quàm ipsi mendaciorum sunt architecti, qui impudentissimè nobis affingunt, quod neq. ipsi, neq. totus Euangelicorum grex vnquam poterunt probare.

CXXXIV. LIQVET hinc Sanctorum inuocationem sacris literis minimè prohiberi. Videndum restat, an etiam sacrarum literarum dictis & exemplis confirmetur, vt curiosis hominibus satisfaciamus, qui nihil recipere volunt, cuius non aliquod vestigium extet in sacris literis. Primum ergo in sacra Genesi legimus, sanctum Genes. 48. Patriarcham Iacob benedicientem nepotibus in hæc verba fuisse locutum: Inuocetur super eos nomen meum, nomina quoque Patrum meorum, Abraham & Isaac, & crescant in multitudinem super terram. At hi duo mortui erant. Oecolampadius, à quo nouitij hæretici acceperunt, hunc locum ita torquet, vt dicat, in veteri lege nomen alicuius super aliquo inuocari nihil aliud esse, quàm aliquem eiusdem esse cum altero generationis ac nominis: Ita videre est, inquit, apud Isaiam, vbi septem mulieres, quæ vnum apprehenderant Isai. cap. 4. virum: Tantum, aiunt, nomen tuum inuocetur super nos, id est, sis vir noster, & nominemur tuo nomine. Similiter apud Ieremiam: Ierem. cap. 14. O DOMINE in medio es nostrè, & nomen tuum inuocatum est super nos; hoc est, inquit ille, nominamur tuo nomine, & dicimur populus DEI.

CXXXV. ITA quidem Oecolampadius aliquid comminiscitur ne Sanctorum inuocationem admittere cogatur. Sed primum temerarium & falsum planè est, quod dicit inuocari nomen alicuius super aliquo, tantum significare, commune cum alio habere nomen & stirpem. De Enos refert Scriptura, quod coeperit inuocare nomen DOMINI; quamobrem etiam laudat illum. Dicant nunc haeredes Oecolampadij, quid ibi significet inuocare nomen DOMINI; esse de eadem gente, an implorare eius auxilium? Abraham, inquit Scriptura, edificauit Altare DOMINO, & inuocauit nomen eius. Nonne hoc ad orationem spectat? Cur ergo audent isti in vniuersum affirmare, in veteri Testamento inuocare nomen alicuius super aliquo, esse tantum, habere idem nomen, & esse eiusdem cognationis & sanguinis? Deinde, etiamsi alibi ea phrasi significaretur id, quod dicit Oecolampadius; an propterea statim sequitur, etiam hoc in loco idem significari?

In tertio Tomo
lectio. de Genes.
lib. 1. cap. 200.

CXXXVI. RVRSVS, quid causæ est, cur potius claude huic Oecolampadij interpretationi credere debeamus, quam illi Augustini, qui de Inuocatione Sanctorum exponit? Taceo quòd ne, si velimus quidem, Oecolampadij interpretationi credere, possimus; repugnat enim manifestè contextui.

Genes. cap. 48.

CXXXVII. VOLENS enim Iacob benedicere nepotibus filijs Ioseph, ita incipit: DEVS, in cuius conspectu ambulauerunt Patres mei Abraham & Isaac; DEVS, qui pascit me à iuuentute mea vsque in presentem diem; Angelus, qui eruit me de cunctis malis, benedicat pueris istis, & inuocetur super eos nomen meum, nomina quoque Patrum meorum, Abraham & Isaac, & crescant in multitudinem super terram. Inquit Oecolampadius: Hac omnia eò tēdunt, vt significetur, hos pueros esse eiusdem generationis cum Abraham & Isaac. Atq; hanc expositionem scilicet, & inuocant & adorant eius discipuli. Quis verò est? obsecro vel mediocriter in Grammatica eruditus, qui non cognoscat, verba illa Iacob precationem fuisse; in qua prius DEVM, deinde Angelum, tertio loco sanctos Patriarchas

archas inuocat, ad impetrandum nepotibus benedictionum cælestem. Igitur inuocatio Abraham ad orationem spectat, quod Oecolampadius negat. Adde quòd pueri illi iam erant de stirpe & progenie Iacob: Frustra igitur id à DEO petisset. Aut si nihilominus hoc voluisset, quorsum illa manuum transpositio? quorsum inuocatio DEI & Angelorum.

CXXXVIII. VERVM, demus Oecolampadio, quidquid vult, (vt videant Lutheri discipuli, nullam hîc posse esse tergiuersationem) certè Iacob ad benedicendum pueris non tantum inuocat DEVM, & Patriarchas illos defunctos, sed etiam Angelum. Ergo etiam si velit tegere inuocationem Sanctorum; hanc tamen Angeli nullo modo potest. Quare Philippus Melancthon in libello de Bauaricis articulis edito VVittenbergæ, quem noluit esse vltimum suæ fidei testamentum, ingenuè fatetur, nescire se diluere hunc locum Geneseos, vbi Iacob inuocat Angelum.

CXXXIX. AZARIAS, dum esset in fornace, orans dixit: Ne Daniel. cap. 3. quæsumus tradas nos in perpetuum, propter nomen tuum, neq; auferas misericordiam tuam à nobis, propter Abraham dilectum tuum; peto nunc ab hæreticis in hac Azariæ oratione, illud, propter nomen tuum, estne inuocatio? EË, inquiunt, neq; enim negare possunt. Ergo pari modo cum dicit: Propter Abraham, Isaac & Israël; inuocat illos offerendo DEO eorum merita.

CXL. DEVS dedit nobis tutelarem Angelum. Licebit igitur illum inuocare in tutelam, & vt nobis aliquid apud DEVM procuret, De preparat. ad mortem. vt Lutherus ipse agris aliquando consuluit. Quòd si hoc licet, cum nusquàm sit prohibitum, & si eo ipso, quòd DEVS dedit illum nobis custodem, habemus ius ad illum accedendi; quare non licebit etiam accedere ad alios Sanctos, qui et si non sunt protectores & custodes vt Angeli; constituit tamen eos DEVS Principes super omnem terram: Psal. 44. Orant etiam pro nobis; & sunt studiosissimi nostræ salutis.

CXLI. ADHÆC dant nobis aduersarij, plurima sæpe miracula patrata fuisse ad Martyrum aliorumque Sanctorum sepulchra; D. August. in 224 De Civitate Dei a cap. 8. per mult.

quod item sanctissimi quique Patres innumeris ijsq; clarissimis exemplis confirmant. Addunt etiam iidem aduersarij, huiusmodi miracula à DEO, non à Sanctis edita fuisse. Neque nos hoc reprehendimus, aut aliud dicimus. Verum non aduertunt incauti, hoc ipso statim euinci, Sanctorum inuocationem DEO gratam esse. Nam si Sancti perperam, ut ipsi aiunt, ab hominibus inuocantur: Igitur DEVS illorum miraculorum auctor, in hoc errore fideles suos confirmaret; quippe qui ad eorum inuocationem ederet miracula; quod cogitare nefas sit.

CXLII. PRO hac Catholicorum Orthodoxa sententia est antiquissima consuetudo à plurimis Concilijs olim approbata, & à sanctissimis Patribus recepta. Litanias, quæ nihil aliud est, quàm DEI & Sanctorum inuocatio, vsitata est in Ecclesia CHRISTI à multis seculis, & approbata à Concilio² Aurelianensi primo, à^b Gerogensi, à^c Toletano quinto &^d sexto, à^e Bracarensi secundo. ^f Sexta Synodus ad Sanctorum inuocationem hortatur. ^g Septima quoq; nonnulla dicit de inuocatione beatissimæ Virginis Mariæ, quæ etiam confirmatur à^h Synodo Chalcedonensi.

a Cap. 23.
b Cap. 3.
c Cap. 1.
d Cap. 2.
e Cap. 9.
f Cap. 7.
g Act. 6.
h Act. 11.

In Disput. Tubin-
gæ habita. De In-
uoc. Sancti conclu-
37 28. & 39.
In Epistol. ad
Iac. 116.

CXLIII. CONCEDUNT hanc consuetudinem aduersarij; sed aiunt ex errore cœpisse, nec obseruandam esse; quoniam CHRISTVS non dixit: Ego sum consuetudo; sed: Ego sum veritas. Acuta, si diis placet, probatio. Non sic ratiocinatur D. Aug. sed insolentissima, inquit, insanie genus est, de eo, quod per orbem frequentat Ecclesia, disputare. At tunc demum ipsi meritò consuetudinē damnarent, si Scripturam afferrent, quæ ostenderent, eam cum diuina lege pugnare.

CXLIV. AT inquiunt: Neque vos expressum noui Testamenti locum proferre potestis, quo ostendatis, Sanctos posse à nobis inuocari. Et proferimus ex veteri, cum Iacob ad benedicendum pueris inuocauit Angelum. In nouo verò hæc veritas ex ijs locis colligitur, in quibus asseritur Sanctos orare, pro nobis in cælis, esse à nobis honorandos, esse DEO amicissimos & gratissimos; denique in hac vita potuisse inuocari. Sed esto nullus Scriptura locus inueniatur; consuetudo certè, ubi non est in contrarium Scriptura, valet &

Genes. 24.

let & est irrefragabilis autoritatis, cum non sit vnus vel alterius provinciae, sed totius orbis; non ab vno aut altero Concilio, sed omni etate & tempore ab Oecumenicis Conciliis approbata & recepta.

CXLV. AGE verò neque sit consuetudo Ecclesiae; certè noui isti dogmatista nullum habent fundamētum, quo negent Sanctorum inuocationem. Vnicum illorum refugium est, Sanctorum inuocationem non esse in Scripturis expressam; quare nec recipiendam ab Ecclesia. Quod verissimum esset, si omnia, quae ad Ecclesiam spectant, Scripturis essent expressa: At non sunt, vt Ioannes testatur, cum inquit, Si scribantur per singula, quae fecit IESVS, nec ipsum arbitror mundum capere posse eos, qui scribendi sunt, libros. Quare tamen si apta sit ratiocinatio: Hoc est Scripturis prohibitum; non igitur asserendum: non tamen licebit arguere: Hoc non est in Scripturis expressum; ergo neque est ex CHRISTI voluntate. Siquidem CHRISTI voluntas non per Scripturas tantum nobis innotescit, sed etiam per Ecclesiam, de qua ipsemet dixit: Dic Ecclesiae; si Ecclesia non audierit, sit tibi sicut Ethnicus & Publicanus. Mens igitur Ecclesiae est mens CHRISTI. Idem de Patribus dicendum est, & sanctis Doctoribus, quos CHRISTVS posuit, velut mentis suae interpretes, ad quos spectat illud: Qui vos audit, me audit, & qui vos spernit, me spernit.

In fine sui Euan-
gelij.

Math. cap. 18.

Luc. cap. 10.

CXLVI. SED retundenda est calumnia quaedam Heerbrandi, qui: Et si, inquit, Patres in ea fuerint sententia, vt Sancti inuocarentur; aliqui tamen illorum acriter initio restiterunt, vt Epiphanius, Ambrosius, Chrysostomus, Augustinus, Cyrillus vsque ad Basilium ferè Magnum. Ita Lutheri Discipuli sunt veritatis studiosi, vt Patribus affingant, quaecunque volunt: Interim, si Patres peruoluas, nihil eorum omnino reperies. Quod vt in presenti materia clariùs constet, eosdem Patres in medium proferemus, quos ille dicit acriter initio restitisse.

In Disput. de In-
uocat. Sanct.
concl. 33. & 34.

CXLVII. ^a EPIPHANIVS igitur apertè docet, Sanctos honorandos quidem esse, sed non illis offerendum sacrificium, vt Collyridiani faciebant; quod etiam nos antea ex Concilio Tridentino

Lib. 3. Tom. 2.
haere. 78. contra
Antidicomariani-
tas. Et haer. 97.
in Collyridianos.

^a Lib. de viduis.
in Oracione tun-
bri de obit fratris
fui & de obit.
Theodof. & Ser.
77. & Serm. 9.

^b In I iturgia, in
Orat. ad D. Virg.
& ad S. Michael-
lem
Ad S. Nicolaum

^c In Ioan. Tract.
54. Et lib. 20.
contra Faust. cap.
21 de Spirit. &
Anim. cap. 59.

^d Cateches. 5. &
14. & 16.

In Oratio. D.
Basili.

In Epitaph.
Paulæ
Lib. 2. in Iob.

In Lament.

In Dispu. Tulian.
de habita contra
Purgator. & reprobos.
118. & 119.

probauius ^a Ambrosius tractans illud Euangelij, cum Aposto-
li rogauerunt pro socru Petri: Adhibeat, inquit, ad medicum alios
precatores. Et infra: Non erubescamus eos intercessores nostræ in-
firmitatis adhibere, quia ipsi infirmitatem corporis, etiam cum vi-
uerent, cognouerunt: Alibi quoque similia scribit. ^b Chrysostomus
Omnia sunt, inquit, gloriosa in te, DEI genetrix, ipsi supplica, ut
animas nostras saluet. Et rursus: Cælestis militiæ Princeps Michaël
rogamus te, ut tuis intercessionibus nos munias, &c. Et alibi:
Pater Nicolæ fungere legatione apud CHRISTVM DEVM,
ut animæ nostræ salutem consequantur. ^c Augustinus sexcentis in
locis Sanctos inuocandos docet: Non sic Martyres, inquit, comme-
moramus, quemadmodum alios, qui in pace requiescunt, ut etiam pro
eis oremus, sed magis ut orent ipsi pro nobis. Et alibi: Vos qui me-
ruistis consortes fieri supernorum ciuium, orate pro me ad DOMI-
NVM, ut educat me de isto carcere, in quo teneor captiuus & liga-
tus. ^d Cyrillus denique tum alibi tum in catechesibus idem confir-
mat, & loquens de sacrificio Missæ: Mentionem, inquit, facimus
Patriarcharum, Prophetarum, Martyrum, ut DEVS orationibus
illorum suscipiat preces nostras. Hi sunt, quos homo ille lepidus ait
initio restitisse.

CXLVIII. PRÆTER hos Gregorius Nanzianzenus: Tu
autem, inquit, Basili sacrum & diuinum caput, ex alto nos respice,
& carnis stimulum aut tuis siste precibus, aut fortiter me ferre
persuade. Hieronymus: Vale, inquit, ô Paula, & cultoris sene-
tam orationibus tuis iuuua. Origenes: O beate Iob, inquit, viuens in
perpetuum apud DEVM, & victor permanens, in conspectu Regis
DOMINI, ora pro nobis miseris. Et alibi: Tu Pater Abraham de-
precare pro me, ne de finibus tuis aliener. Plures afferre possem, sed
superuacaneum puto. Nam si Pontificij, ait quidam ex aduersarijs,
non sexaginta septem solum, sed sexagies septem, aut si malunt sex
millia Patrum, Episcoporum, Abbatum, Monachorum & Monia-
lium testimonia proferant, nihil inde probabunt sine sacra Scriptu-

ra, ex qua quicquid non probatur, eadem facilitate cōtemnitur. Hæc ille homo superbus, perinde, ac si solus Scripturas intelligeret, & melius quàm citati Patres, qui totos sua vitæ annos in Scriptura insumpserunt.

CXLIX. FINEM faciemus, si prius nonnulla ex iis, quæ à diuersis ad Sanctorum inuocationem conuellendam obijciuntur, confutauerimus. Ac initio quidem sic aliqui ratiocinantur: Anima separata non cognoscunt, quæ hîc aguntur, iuxta illud: Abraham nesciuit nos, &c. Frustra igitur à nobis inuocantur. Verùm facile concedimus, si animarum naturam & naturales vires spectes, nihil eorum scire posse, quæ hîc aguntur, sed diuinitus illustrata cur non possint, dum vel in Verbo tanquam in speculo res nostras intuentur, vel cognoscunt per reuelationes? Dicant obsecro, qui tantùm tribuunt huic suæ ratiocinationi; pœnitentia & dolor de peccatis interiori animo conceptus, nonne secretissimus est? Et tamen eum Angeli DEI beneficio cognoscunt. Nam, vt DOMINVS testatur, gaudent super vno peccatore pœnitentiam agente. Gaudium autem sequitur cognitionem rei, de qua gaudemus. Quid? si Gabrieli Danielis oratio perspecta non fuit, quomodo eam commendat? Et si Raphaël non cognouit Tobia preces, quomodo eas DOMINO præsentauit?

4. Reg. 2.
Isai. cap. 63.
Iob. cap. 4.

Luc. cap. 17.

Daniel. cap. 10.

Tob. cap. 12.

CL. FORTASSE dicet quispiam, in Angelos & beatos hæc quadrare quidem; non item in Patres veteris testamenti constitutos in limbo, vbi diuinam essentiam minimè intuebantur. Primum quod ad illos Patres attinet, nihil facit ad rem præsentem; de Sanctis enim nunc agimus, qui DEI conspectu perfriuntur. Deinde, Si DEVS Prophetis adhuc in carne viuentibus longè post futura reuelauit, & aliquando etiam, quæ sunt alterius sæculi; cur non iisdem existentibus in limbo reuelare potuit, quæ hîc agebantur? Postremo si Patres illi res suorum ignorauerunt, quomodo de Ierusalem dictum est? Hic est, qui multum orat pro populo, & vniuersæ sanctæ Ciuitatis. Quomodo Onias ipse, cuius hæc verba sunt, Iudæ Machabei

2. Mach. cap. 15.

Machabæi statum agnuit? Cum igitur Scriptura dicit, defunctos non cognoscere, quæ hic aguntur, intelligendum tantum est de vi cognoscendi naturali.

CL I. ALII rursus, ac ferè omnes vno ore contra nos vocife-

1. Ad Timoth. 2.
2. Ioan. cap. 2.

rantur: Vnus est mediator DEI & hominum CHRISTVS IESVS. Cur igitur detrahitis CHRISTO? Cur plures mediatores constituitis? Facile respondent Catholici, Apostolum tantum loqui de mediatore redemptionis; quod vel inde manifestè conuincitur, quod statim subnectit: Qui dedit redemptionem semetipsum pro omnibus. Tum demum ergo Paulo repugnaremus, si diceremus, plures esse mediatores, qui se dedissent redemptionem pro omnibus. At dicimus, vnum

Ad Rom. cap. 10.
Ad Rom. cap. 15.
1. Thessal. cap. 3.
2. Tim. cap. 2.

talem esse CHRISTVM IESVM; plures intercessionis, de quibus Paulus non loquitur. Et huiusmodi posse esse plures, constat ex Scriptura. Paulus ipse huiusmodi mediatorem se constituit inter DEVM & Israëlitas suos: Huiusmodi mediatores inter se & DEVM facit Thessalonicenses & Romanos: Huiusmodi vult nos omnes esse inter DEVM, & eos, qui sunt in sublimitate constituti. Dicant nunc hæretici Paulo, cur, cum docuerit vnum esse mediatorem CHRISTVM IESVM, hoc tam potenti aduocato relicto, à peccatoribus orationis opem exposcat, qui vix seipsos iuuare possunt. Quod si hi siue mediatores siue intercessores in terris, nihil derogant mediatori CHRISTO, certè neque Sanctorum intercessio in cælis: Eodem enim modo ibi intercedunt.

Disput. De Inuoc.
Sanct. conclus. 11.
Conclus. 57.

CLII. LUTHERANI, vt nobis hanc Catholicorum vel Apostoli potiùs distinctionem è manibus extorqueant, frigidum, aiunt, esse Sophistarum commentum; & mox ad mendacia confugientes dicunt, Pontificios, licet ita distinguant, aliter tamen sentire & facere Sanctos mediatores redemptionis. Vbi quid aliud faciunt, quàm quod aperte declarant, veram esse Catholicorum doctrinam, quando ipsi etiam eam opprobant; animum tantum cauillantur, quem inueneri nequeunt. Verùm vt etiam mentem nostram non ignorent, sciant, nos eum Catholici nomine minime dignari, sed hæretici & idolatra,

lolastra, qui aliter, quàm diximus, sentit, vel Sanctos facit mediatores redemptionis; id verò Romana Ecclesia neque docuit neque sensit unquam. Atq; his, quæ de duplici mediatore diximus, soluitur etiam illud, quod nonnulli obijciunt, oportere, iuxta Pauli sententiam, in eos credere, qui inuocantur. Loquitur enim ibi Apostolus de eo, qui inuocatur, vt autor nostræ salutis, quo modo Sancti minimè à nobis inuocantur; quare neque credimus in eos. Ad Rom. cap. 10.

CLIII. AT inquit, DEVS est clementissimus, nouit quibus rebus indigeamus, & propensius curat nostram salutem, quàm possumus ipsi vel dicere vel cogitare; aduocatum etiam habemus apud Patrem, CHRISTVM IESVM iustum; & ipse est propitiatio pro peccatis nostris. Quid igitur opus est patrocinio Sanctorum? Si ita argumentari licet, cur non mox etiam concludunt, quid opus est mutuis orationibus hinc in terris? imò, quid opus est omnino orationibus? Cur non securè dormimus in vtramq; aurem? Clemens enim est DEVS; nouit quibus indigemus; curat nostram salutem, & aduocatum habemus apud Patrem. Agè verò doceamus istos, quid opus sit patrocinio Sanctorum. 1. Ioan. cap. 2.

CLIV. CVM Magnates aut Principes viros adimus, vsu venire solet, vt, quò quisque plures habet intercessores de domo ac familia Principis, eò etiam facilius, quod petit, obtineat. Ita ergo cum ad DEVM; qui sepe in Euangelio rex dicitur, accedimus, Sanctos, familiares DEI amicos, & domesticos adhibemus, qui vnà nobiscum, quod speramus, efflagitent. Non enim illi à nobis inuocantur, vt daturi quod petimus, sed vt petitori id ipsum à DEO.

CLV. QVOD si petas, quod ab Eckio olim petijt Oecolampadius, meliusne sit tota fiducia DEVM, vel CHRISTVM solum inuocare, semotis & obliuioni traditis omnibus creaturis, an illis adhibitis ad DEVM accedere? Respondemus, manente eadem fiducia, melius esse, pluribus adhibitis intercessoribus, ipsum exorare. Cum enim sint DEO chari, eorum accessus non potest esse DEO ingratus. Neque verò quicquam caussæ est, cur illis adhibitis, nostra in DEVM fiducia

In Disput. Helpe.
conclu. 3.

Ad Rom. cap. 9. *cia minuatur; quin crescit potius, cum diuitias gloriæ DEI in vasis misericordia, vt Paulus loquitur, contemplamur.*

1. Thes. cap. 2. *Serm. 19. de Sanctis.* **CLVI.** *DEVM* irrident heretici cantum *Ecclesiæ*, quo illa *DEIPARAM* salutans, vocat eam spem, vitam & dulcedinem nostram; sed rideant etiam Paulum, si libet, qui *Thessalonicenses* spem suam & gaudium appellat. Rideant *Augustinum*, qui sacratissimam *Virginem* spem peccatorum nominare non erubescit. Possunt autem hæc & similia duplici nomine *DEIPARÆ* adscribi: Primum quidem, quia peperit nobis spem, vitam & dulcedinem nostram. Secundò verò, non quòd ab illa, vt ab auctore principali, expectemus spem, vitam, &c. Sed quòd bene de ea speremus, impetraturam quod petimus: Siquidem principem locum tenet inter Sanctos intercessores nostros apud *DEVM*. Est quæmodus ille loquendi vnitissimus, vt, per quem beneficium aliquod obtinere nos posse arbitramur, eum spem nostram dicamus.

Exod. ap. 32.
Daniel. cap. 3.

CLVII. *ORANT* autem Sancti pro nobis apud *DEVM*, non solum affectu, quasi voce quadam mentis, aliquid petentes, sed etiam merita sua pro nobis offerendo; quæ licet abundè iam pridem fuerint premiata; decet tamen diuinam liberalitatem, eorum intuitu nõnulla nobis aliquando elargiri; vt *Scripturæ exempla* docent, & in humanis etiam fieri non raro videmus.





CAPVT OCTAVVM,
DE STATV ANIMARVM IN
PVRGATORIO.

CONCLVSIO CLVIII.

ANIMÆ, quæ Purgatorij ignibus detinentur, duplici pœna torquentur; damni & sensus. At pœna quidem damni in eo posita est, quòd, cum ardentissimo atq; incredibiliter vehementiori desiderio appetant videre salutis suæ fontem DEVM, quàm nos hîc desideremus; (mens enim corporea mole liberata, expeditius fertur in suum finem) videant autem se sua culpa à tam incundo spectaculo retardari, acerrimè propterea affliguntur. Atque hanc DEI clarè visi priuationē nos appellamus pœnam damni, quæ licet in omnibus videatur esse æqualis, putamus tamen, aliunde eos hac pœna magis affligi, qui plura ac grauiora scelera hîc patrârunt.

CLIX. POENA verò sensus ea est, quam ab igne percipiunt, cum nullis etiam grauisimis presentis vitæ pœnis comparanda; tametsi ad tempus tantum duret. Si etiam, inquit Auctor libelli de vera & falsa Pœnitentia, conuersus euadat, vita viuat & non moriatur; non tamen promittimus quodeuadat omnem pœnam; nam prius purgandus est igne Purgationis, &c. Scribit his similia D. Augustinus frequenter.

Cap. 16. & 18.
Et refert. de pœni.
dist. inct. 7. cap.
Nullus.
In Serm. 4. de
Sanct. & in expo.
Plalm. 37.

CLX. NEQVE verò dubie sunt hæ animæ de sua salute, vt Lutherus putauit, cum vario illo doctrinæ vento circumferri cœpit. Quòd si Ecclesiam obijcias, perinde pro defunctis orantē, atq; si incerti essent de sua salute. Orat enim in hunc modum: A porta inferi erue animas eorum, & de pœnis inferni, & de profundo lacu, libera eas de ore leonis, ne absorbeat eas tartarus; quo satis indicare videtur, non adhuc esse de salute securas. Sunt qui dicant Ecclesiam ibi

Articu. 5. & 38.
Leone damnatis.

Eccles. cap. 35.

per tartarum intelligere ipsum Purgat. Magis tamen nobis placet eorum responsio, qui aiunt, quemadmodum Scripturam; ita etiã Ecclesiam aliquando à DEO petere solere, quæ certò sint cuentura. Itaq; rogat, ne absorbeantur à tartaro, quos certò scit non esse absorbendos. Huiusmodi est etiam illud: Da mercedem sustinentibus te. Certò namque constabat viro DEI, nunquam DEVM negaturum mercedem sustinentibus se; nihilominus tamen id ipsum orabat.

Eccles. cap. 11.

Iean. cap. 9.

In Epistol. ad

Gal. cap. 6.

August. in Tract.

44. supra Iean.

Chrysost. homil.

45. In Iohannem.

Orig. in Psal. 36.

CLXI. TAMETSI, vt nulli dubium esse debet, animæ in Purgatorio exercent actus aliquos virtutum; nihil tamen illis merentur; sed in quocunque loco ceciderit lignum, ibi erit. Atque ita intelligunt sancti Patres locum illum Iohannis: Venit nox, quando nemo poterit operari: Tempus sementis, inquit D. Hieronymus. est præsens tempus, & vita, quam currimus: Quòd si culpæ veniales in Purgatorio remittuntur, illud non tam fit per actus virtutis, quos ibi exercent, quàm per dispositionem & pœnitentiam, quas dum hîc viuerent habuerunt.

Concil. Tri-lent.

Sess. 14. cap. 9.

CLXII. QVÆRI hîc solet, quânam fiat, vt, si quis nostrum hîc ægritudines, morbos & infirmitas à DEO pœnas patienter ferat, non solum satisfacere valeat, sed etiam meritum sibi accumulet apud DEVM, animæ verò illæ, quæ longè atrociores pœnas, longè patientius sustinent; nihil mereantur? Qua in re nobis non placet illa ratio, quæ alicui fortasse videri posset, quòd scilicet animæ non sponte eligant illas pœnas; vt inde patere potest, quòd desiderarent, quàm citissimè illis expediri, & si absque illis possent consequi suum finem, id vel maximè vellent. Non placet, inquam, hæc ratio; quoniam neque nos flagella DEI eligimus, vt mortem parentum, iacturam bonorum, &c. Nihilominus patientia meritum adfert. Magis probatur solutio illa Augustini dicentis: Hîc omne meritum comparatur, quo possit post hanc vitam quispiam grauari vel releuari. Nemo autem speret, quod hic neglexit, cum obierit, apud DEVM promereri. Locus igitur gratiam & gloriam promerendi à DEO constitutus, præsens Seculum est, dum anima corpori est coniuncta.

In Buch. cap. 100.

Indicaue

Indicauit hoc etiam Iob, cum diceret: Militia est vita hominis super terram. Non inquit, subter aut infra terram.

Cap. 7.

CLXIII. QUARE errauit Lutherus, asserens, animas in Purgatorio sine intermissione peccare, quàm diu requiem quærunt, & pœnas horrent; quoniam quærant, quæ sua sunt, contra DEI voluntatem. Si semper peccant, quis erit aliquando finis Purgationis? Semper enim purgatis purganda succedent; & sic quasi Sisyphi saxum perpetuò illis reuoluendum erit, si vera sunt, quæ fabulator iste somniat. Quis verò docuit Lutherum, peccatum esse, si quis pœnam horreat? Si requiem quærat? Cupiebat Paulus dissolui, vt esset cum CHRI-

Ad Philip. ca. 3.

STO; peccauit igitur. Peccauit & ipse CHRISTVS, qui morti propinquus, cœpit pauere & tædere. Deniq; si requiem quærere, peccare est, vel peccant agri omnes, quot quot salubres corpori medicinas quærunt, vel Lutherus insanit. Sed longè optimè refellit hunc errorem

Marc. 14.

D. August. cum Cyprianum laudans, docet, non solum non vtilem fidelibus esse mortem, sed etiam vtilem reperiri; quoniam peccandi periculis hominem subtrahit, & in non peccandi securitate constituit. Peccandi enim pericula, inquit Cyprianus, nec deesse in ista vita; nec superesse post ipsam: citatq; illud Scriptura: Raptus est, ne malitia mutaret intellectum eius.

De predict. ca. 14.

In lib. de Mortalitate.
Sap. cap. 4.

CLXIV. SED ENIM cum iustitia postulet, vt, qui scelerum socij fuerant, sint & pœnarum, cur anima patiente in Purgatorio, corpus non patitur? Rectissimè hoc à DEO factum est. Nam sicut præmium; ita pœna finalis communis est animæ & corpori: Purgatio verò, quæ tantum via quædam est ad præmium, soli animæ conuenit, vt quæ præcipua peccati causa fuit, peccato consentiendo: Nisi fortè corpus in puluerem & cineres reductum, suam etiam quasi purgationem habere, & hac veluti pœna affici velis. Certè vt in Purgatorio vnà cum anima purgaretur, commodè fieri non poterat; Nam debuisset statim post mortem resurgere, & purgatione absoluta, mox iterum mori.



CAPVT NONVM,
DE STATV ANIMARVM, QVÆ
SVNT IN INFERNO.

CONCLUSIO LXV.

NT antea de Purgatorio; ita nunc de inferno dicimus, duplici
pœna, damni & sensus, utraq; in perpetuum duratura, ibi
animas extorqueri. Quas pœnas si inter se comparaueris
(si tamen comparari possunt) pœnam damni grauiorem reperi-
es, quàm sensus. Nouimus, inquit Chrys. plerq; solum Gehennam ab-
horrire; ego autem casum illum à gloria, Gehenna multò maiorem es-
se aio. Et infrà: Si Gehennarum decem millia ponas, adhuc nihil tale
est, atq; excidere à beata illa vita.

Homi. 23. in
Matth.

LXVI. VTRAQVE colligitur ex dicto illo CHRISTI: Di-
scedite à me omnes operarij iniquitatis; ibi erit stetus & stridor den-
tium. Nam cum, discedite à me, inquit, pœnam damni; cum stetum &
stridorem dentium nominat, pœnam sensus insinuat; quarum hæc est
animæ separata à corpore continuus quidam mœror, dolor & affli-
ctio; illa optata DEI visionis, cuius capax esse poterat, peccatis debi-
ta, privatio.

Luc. cap. 1.

LXVII. DE igne tartareo, qui animam excruciat, dubitârunt
quidem nonnulli, essetne corporeus an non; eam tamen dubitationem
ex alio difficiliore capite ortam putamus, quomodo videlicet ignis
corporeus reali actione spiritum affligat, omnis quantitatis & mate-
ria expertem. Siquidem enim vera & realis est actio, corpoream ali-
quam qualitatem debet spiritus ab igno recipere; quam difficultatem
tollere, non est facile. Nam eleuetur quantumvis ille ignis (quem cor-
poreum esse ponimus) & extollatur à DEO, sitq; instrumentum diui-
nae iustitiæ; semper tamen manebit corporeus. Et si natura sua non ha-

bet

bet actionem naturalem, quam exerceat in Spiritum, neq. habebit eleuatus; siquidem eleuatio naturam non mutat.

CLVIII. Igitur ut satis faciat difficultati, putamus inprimis, Gehenna ignem corporeum esse; quod etiam conformius est sacris Scripturis: DOMINVS enim appellat hunc ignem inextinguibilem. Et D. Ioan. Si quis, inquit, adorauerit bestiam, cruciabitur igne & sulphure. Suntq. sexcenta alia huiusmodi loca in Scripturis, quæ cum demum metaphoricè accipienda essent, si in propria significatione, aliquid fidei vel rationi repugnans sonarent: Ut sonat illud: Ego sum vitis, vos palmites. Iam verò nullum absurdum sequi videtur, si intelligantur de igne corporeo; præsertim cum in eum sensum Gregorius & Augustinus inclinent.

Marc. cap. 9.
Apoc. cap. 14.
Apoc. cap. 19.
Psal. 10.
Genes. cap. 19.
Math. cap. 25.
Luc. cap. 16.
Ioan. ap. 5.
Lib. 4. Dialog.
cap. 16.
Lib. 21. de Ciuitate
Dei, cap. 10.

CLIX. De modo, quo ignis ille agat in spiritum, maior est difficultas. Dicimus itaq. quemadmodum cum anima est cōiuncta cum corpore, si accadat corpus diuidi vel comburi, verè ipsa anima tristitiam sentit & afflictionem, ob coniunctionem cum corpore; ita etiam anima separata quidem à corpore, diuina autem voluntate coniuncta cum igne atq. illi alligata, ita realiter affligitur, ac si cum corpore pateretur. Quamuis existimamus, modum huius afflictionis, naturæ viribus, omnem ex parte intelligi non posse, ut scilicet sciamus, quid ex actione illa reali anima recipiat, & quomodo illud, quicquid est, ex corpore redundet in spiritum.

CLXX. Nullus item est, qui infelicium animarum miseras vel minima ex parte possit exprimere. Etenim quemadmodum beati cælici ues iucunda illa & sempiterna DEI præsentia mirabiliter afficiuntur; ita hæc horribiliter affliguntur eiusdem absentia. Atque hæc pœna præcipuè est in intellectu.

CLXXI. In voluntate verò est alia, nihil ista inferior, perpetuum scilicet odium aduersus DEVM, quem cum sibi ob oculos proponant, non ut iustum, sed ut autorem suorum cruciatuum: & rursus neq. hos vitare, neq. illum possint tollere è medio, ut maximè vellent; dici non potest, quantum ex cruciatur.

CLXXII. IN memoria iterum alius est cruciatus, cum antea acta sua vitæ gesta cum animo pertractant; quasi bona fuerint, dolent, nihil ea sibi profuisse ad salutem consequendam; si mala, non minus cruciantur, cum videant, se eorum causa tot pati aduersa. Iam si dignitatum suarum ac facultatum recordantur, discruciantur animis, præsentem calamitatem cum præterita felicitate comparantes. His accedit infructuosa eorum pœnitentia.

Sapient. cap. 5.

Luc. cap. 16.

Apo. cap. 9.
C. 10. cap. 10.

CLXXIII. RVRSVS quia voluntas damnatorum, ut diximus, perpetuo odio stragrat aduersus DEVM suum vltimum finem, à quo proinde continenter auertitur; idcirco nullus actus ab ea imperatus, potest dici bonus. Et quamuis aliquando possit ferri in aliquod bonum, saltem apparens; vitiabitur tamen actus ob defectum circumstantiæ legitimi finis. Itaque cum diues ille apud Lucam exoptat fratribus salutem, non id facit, ut debebat, amore fratrum, sed ne ipse magis excrucietur. Quod verò aliqui dicunt, inuidia aduersus Lazarum commotum desiderasse, ut eum aliquis suorum gloria anteiret; alienum videtur à verbis Euangelij.

CLXXIII. SED dubitum est, malintne non esse, quàm viuere perpetuò in tormentis? Putârim desiderare potius non esse. Desiderabunt mori, ait de illis Scriptura, & mors fugiet ab eis. Ac iterum: Dicent montibus, operite nos. Retene hoc appetant an secus, maior est difficultas. Ego certè, quod ad me attinet, malim non esse, quàm in inferno esse. Si hoc ipsum desiderant, peruersè tamen desiderant, non tam ut à pœnis liberentur, quàm ne DEVS in illis exerceat iustitiam.

Super Iſaiam
cap. 14.

CLXXV. VERVMENIMVERO, cum apud omnes receptum sit, quòd plures sunt damnatorum animæ in inferno, eò maiorem pœnam accidentalem, ut vocant, quamlibet earum persentiscere; causam tamen huius inuenire, non est omnibus obuium. Nam quòd beatis ex maiorum numero maius accedat gaudium, idcirco accidit, quòd est inter illos sincera delectio, quæ facit, ut bonum alterius quisq; æstimet ut suum. At damnati non se inuicem diligunt; quare neq; affligentur mutuis miserijs. Deinde si verum est, quod glossa quadam dixit, &

iam abiit in prouerbum, solatium esse miseris socios habere malorum; letari potius quàm tristiari deberent acceptione plurium damnatorum.

CLXXVI. SED ponamus rem ita habere, causam inuestigemus. Putamus igitur ex natura rei id prouenire: A natura enim inditum est, ut, quemadmodum ex multarum pulcherrimarum rerum aspectu, delectatio quædam accedit eas considerandi; & ex auditis gratæ & iucundæ historiæ, iucunditas etiam ingeneratur in animo; sic tristis aliquius spectaculi intuitus tristitiam pariat intuenti. Neq; inde sequitur, quod damnatarum aliæ alijs compatiantur; non enim aliarum causa dolent, sed suâ: Aliorum namq; miseriæ natura sua afferunt molestiam intuentibus. Quemadmodum si quis nunc omne malum imprecetur inimico; ubi tamen eundem viderit redactum ad extremam miseriam, commouebitur vel inuitus, etiam voluntate repugnante.

Boet. in 2. de
consol. sol. 2.

CLXXVII. ITA esto desiderent infelices alijs eandem infelicitatem, & omnes odio prosequantur; certè inclinatio naturalis, qua natura aliorum malis compatimur, quantumuis voluntas sit peruersa, auferri non poterit; atq; hinc nimirum fiet, ut eò magis affligantur, quod plures detruduntur ad inferos. Prouerbum verò illud, quod dicebamus, sæpe fallit: Nam quis dubitet, maiori molestia eum affligum iri, qui miser ipse cum alijs æquè miseris eiulantibus & afflictis versetur in eadem domo; quàm qui solus sibi sit molestus? Quod si aliquando secus euenit, in hac vita, idcirco videlicet fit, quia hîc, cum non sit extrema miseria, nemo est tam infelix, cui non aliquid lætitiæ possit afferri.

CLXXVIII. CÆTERVM credendum est, DEVM, qui pater est misericordiarum, in taxandis pœnis rationem habuisse istius accessorij augmenti; quod etiam axioma illud confirmat;

DEVM premiare quidem vltra, sed punire
iuxta condignum.



CAPVT DECIMVM,
DE STATV PARVVLORVM
IN LIMBO.

CONCLVSIO LXXIX.

In cap. 2.

IN FANTIVM animabus, quacum originali solo ex hac vita decedunt, locus est apud inferos limbus paruulorum dictus, vt supra meminimus; in quo vt exilio vitam trahunt vtcunq; afflictam. Et licet eorum sententia magis nobis probetur, qui huiusmodi animas immunes esse affirmant ab omni pœna sensus; remanet tamen illis longè maior pœna semper duratura. priuatio scilicet optati aspectus DEI, omnis lætitiæ ac voluptatis fontis.

CLXXX. SVNT qui non temerè, vt nobis videtur, arbitrantur, eiusmodi infantes post reassumpta corpuscula inhabitaturos mundū hunc inferiorem, purgatum iam & salubriorem effectum ab vltimo illo igne conflagrationis. Decet enī, vt, qui quasi medijs sunt inter reprobos ac beatos, medium quoq; occupent locum. Et profectò si vniuersali illi iudicio interfuerint conspexerintq; pulcherrimam hanc mundi constitutionem, non absq; nouo dolore detrudentur ad inferos.

CLXXXI. RVRSVS probabile valde putamus, eos rerum naturalium scientijs minimè carituros; sed per species à DEO insusas, Solem, Lunam, stellas, elementa contemplaturos, non absq; iucunditate aliqua. Nec absurdum est, si dixerimus, vñstatum iri nonnunquam ab Angelis, ac alijs beatis.

CLXXXII. VERVM si, vt dicebamus, finali iudicio intererunt, qui fieri poterit, vt non incredibili mœstitia afficiantur, cernentes, se tanto tamq; infinito bono destitui? Respondent nonnulli, hoc eis consolationi futurum, quòd cognoscent, nō sua, sed aliorum culpa amisisse se tantum bonum. Verum non est hac consolatio, vt mihi videtur; sed
potius

potius geminata causa doloris. Alij idcirco mitius laturos dicunt, quod intelligent, se non fuisse idoneos, qui beatitudine potirentur. At hoc ne somnare quidem poterunt: Videbunt enim, alios complures, eiusdem secum naturæ, eadem fuisse potitos.

CLXXXIII. QVARE dicimus, nulla eos affectum iri molestia; tum quia videbunt longè maximam miserorum hominum turbam igne inuolui, & inuitos ac multum eiulantes detrudi in barathrum; sicq; gaud. bunt potius, tam benignè secum fuisse actum, ut non essent ex illorum numero: Tum quia DEVS OPT. MAX. quæ sua est clementia, collet omnem ægritudinem, quam beatitudinis amisse gratia alioqui fortè poterant concipere. Restabat iam postrema huius Disputationis pars, de Conditione animarum, cum corpora resumerint verum quia res nimium excreceret & Disputationis limites excederet, consultò prætermittimus.

OMNIA IN DEI GLORIAM CEDANT.

Disputatio hæc Orthodoxa est, & cum primis digna, quæ typis excusa publicè proponatur. Ita testor ego Albertus Hungerus, S S. Theologiæ Doctor & Professor ordinarius, atq; Theologiæ Facultatis id temporis Prodecanus.

K 2

HEROL



AD DOCTISSIMVM DO-
MINVM ANDREAM RÖCKLERVM
LIBERALIVM ARTIVM ET PHILOSOPHIÆ MA-
GISTRVM, NVNG SACRARVM LEGVM STUDIO SVM,
& pro tempore Illustrium & Generosorum IOACHIMI & AL-
BERTI Fuggerorum, Baronum in Kirchberg &
VVeissenhorn Præceptorem, &c.
Carmen.

CVTORE
M. EMERICO KRATZERO COMBVR-
GENSI FRANCO.

QUA quas facies inopinaq; vulnera passim,
Deformemq; ferant multo cum sanguine stragē,
Nunc grauiore casu turres & quataq; terra
Mœnia, res hominum lacera crudeliter ora
Ora manusq; ambas, instar morientis adumbrant.
Parturiunt montes nemorumq; cacumina fœdis
Hoc sponso viuente malis, facunda veneno
Lerna colubrifero stridente repullulat hydra.
Otia sunt vitij mater, virtutibus hostis,
Et ne parua quidem signo victrice fatigant:

Non

*Non tantum quod habes perdunt, sed semper anhelant
Impediant ut quod nec habes, neque iam potiaris.*

*Quas contra segetes, STUDIVM, quo culmine turres
Erigat & circum sublimia mœnia ducat,
Nulli vel si sint centum linguæ oraq; centum
Dicere fas, tantum licet admirarier artem.
Artibus ingenuis via fit, Respublica fructu
Crescit in immensum gaudio, virtutis honores
Accumulantur, apum sonitu velut agmen amico.
Si quæ rebus inest iam circumfusa, repentè
Scindit se nubes & clara in luce refulget.
Si quid rebus inest occulti seminis, ipso
Eruitur studio, subq; athera fertur aperta.*

*Aul si quod vitium sumpserunt viscera rerum,
Corrigit: in melius quid non labor improbus urget!*

*Hasce vices animo simul & contraria versans,
Obtutuq; tibi ANDREA hæc miranda videntur,
Quàm sit terra ferax STUDIUM, quàm fertile culmen,
Non tantum id quod habes seruet, sed semper anhelet
Efficiat, tu quod nec habes statim potiaris;
Quàm contra vacuis sint otia segnia labris:
Desidiam Baccho, qui garrulus otia curat,
Linqvis, & ignaram ditione tenere lacunam.
Tu tua per vigilem ducis vexilla palestram,*

Exercens vires atq; armis fortibus implens
 Omnia, sydeream multa vi subrigis arcem;
 Quam super indocti rogitarunt plurima, docti
 Mirati ingenium, veteresq; ex ordine muros
 Pro nostra fidei positos iterumq; repostos
 Cultura, & veripia fundamenta locantem:
 Hanc indefessis commendas viribus intra
 Atq; extra, mox dum tua propugnacula signis
 Hostili tentante manu quassantur, aperto
 Opponis te Marte, velox vigilantibus exis
 Vulnera luminibus, præruptaq; tela remittis:
 Nec prius absistis, quam totam fusus arenam
 Impleat & validam vim vultu comprobet hostis.

Dum RÖCKLERE tuos sic exeris artibus artus,
 Materiamq; nouo munimine & ordine firmas,
 Hanc agè virtutum speciem laudisq; decorem
 Accipis, ut rerum dicare peritus & artis,
 Otia nec damnis vnquam nocitura putentur.
 Pulcher honos, studiumq; tuum, dignumq; laboris
 Munus ab integro seruetur & orbe sub æuum.

Perge, ut sponte facis, non spe luderis inani:
 Nunc hos nunc illos aditus omnemq; reconde
 Arte diem, fusca stes clarum lumen in aura.

Quid quod apud superos & apud nos cuncta labori
 Nata,


*Nata, boum sunt terga iugis, & aratra iuuen-
 Addixit natura, canes indaginis hamus
 Occupat, hic ceruos qua prehensent arte fugaces.
 Concaua quippe datur simul & conuexa tueri
 Cœlorum commota suis agè cursibus: atque
 Ni moucantur aqua vitioso flamine spirant.*


*Perge, ut sponte facis, non inferiora sequeris
 Quàm quoque quos similis traduxit ad ardua virtus.
 Restant magna tibi, iam Doctoralia restant,
 Laurus, tada, faces, & adhuc maioribus instas.*


*Expectat magis atque magis tanti emula tempus
 Pectora in auxilium, antiquis effulta columnis.
 Vota æquare inuēt, inuēt inueterata nouare;
 Et noua, qua veteres aduerso fulmine mores
 Concutiunt, nigrum transmittere mortis in orbem.
 Fac RÖCKLERE iterum cūsis hac atque recusis
 Cernamus proflare typis præloq, nouatis.*








































Konserwacja sprzętu
Oddział Konserwacji OBY
1938 r.

Konserwacja sprawy
Oddział Konserwacji BJ
1999 r.





✿ ABBAS ✿

GRADICENSIS